



備志

廿五之廿八

ケ 5
61
11





武備志卷二十五

戰略考

三國

防風茅元儀輯

三國之事大半在漢獻時稱三國者猶春秋
 戰國之不稱周也其分帝仍存獻焉終之以
 蜀漢二主所以大一統也其蜀亡後事數條
 亦附入之以三國之本末也其他各隨時而
 一以紀年為主元之事則特標焉成其夷也

明治
月 年
日 號



孫堅起兵與官屬會飲於魯陽城東董卓步騎數萬卒至堅方行酒談笑整頓部曲無得妄動後騎漸益堅徐罷坐導引入城乃日向堅所以不即起者恐兵相蹈藉諸軍不得入耳卓兵見其整不敢攻而還

此特表尚有士氣

時寇賊縱橫道路梗塞劉表單馬入宜城請南郡名士蒯良蒯越與之謀曰今江南宗賊甚盛各擁衆不附若袁術因之禍必至焉吾欲徵兵恐不能集其策焉出越曰袁術驕而無謀宗賊帥多貪暴

徙治正

是扼北

為下所患若使入示之以利必以衆來使君誅其無道撫而用之一州之人有樂存之心聞君威德必襁負而至矣兵集衆附南據江陵北守襄陽荆州八郡可傳檄而定公路雖至無能為也表曰善乃使越誘宗賊帥至者十五人皆斬之而取其衆遂徙治襄陽鎮撫郡縣江南悉平

袁紹等諸軍合討董卓畏其強莫敢先進曹操曰舉義兵以誅暴太衆已合諸君何疑向使董卓倚王室據舊京東向以臨天下雖以無道行之猶足

武備志卷三十三
為患今焚燒宮室劫遷天子海內震動不知所歸
此天亡之時也一戰而天下定矣遂引兵西將據
成臯至滎陽遇卓將徐榮與戰操兵敗為流矢所
中馬亦被創從弟洪以馬與操曰天下可無洪不
可無君遂夜遁還酸棗諸軍十餘萬日置酒高會
不圖進取操責讓之因為謀曰諸將聽吾計使渤
海引河內之衆臨孟津酸棗諸將守成臯據敖倉
塞轅轅太谷全制其險使袁將軍率南陽之軍軍
丹析入武關以震三輔皆高壘深壁勿與戰益為

疑兵示天下形勢以順誅逆可立定矣今兵以義
動持疑不進失天下望竊為諸君恥之邈等不能
用操乃還屯河內

初何進遣張揚募兵并州會進敗揚留上黨有衆
數千人至是歸袁紹於河內與南單于屯漳水韓
馥以豪傑多歸心袁紹忌之陰節其糧欲使離散
紹客逢紀謂紹曰將軍舉大事而仰人資給不據
一州無以自全韓馥庸才可密要公孫瓚使取冀
州馥必駭懼因遣辯士為陳禍福馥迫於倉卒必

疑人

有遜讓紹以書與瓚瓚遂引兵至馥與戰不利會
董卓入關紹還軍延津使馥所親辛評荀諶郭圖
等說馥曰公孫瓚將燕代之卒乘勝來南其鋒不
可當袁車騎引軍東向其意亦未可量也竊為將
軍危之馥懼曰然則為之奈何諶因說馥舉冀州
以讓紹馥性惟怯然謀計馥長史耿武別駕閔純
治中李歷聞而諫曰袁紹孤客窮居仰我鼻息譬
如嬰兒在股掌之上絕其哺乳立可餓殺奈何欲
以州與之馥曰吾袁氏故吏且才不如本初度德

即韓信
登壇孔
明出處
數語乃
操圖霸
之本也
焉得不
刻木而
哭之

而讓古人所貴諸君獨何病焉馥乃避位讓紹紹
承制以馥為奮威將軍而無所將御
鮑信謂曹操曰袁紹為盟主因權專利將自生亂
是復有一卓也抑之則力不能制且可規大河之
南以待其變操善之會黑山白繞等十餘萬眾略
東郡操引兵擊破之袁紹因表操為東郡太守治
東武陽
袁紹自出拒公孫瓚戰於界橋南二十里瓚兵三
萬甚銳紹令麴義領精兵八百先登強弩千張夾

承之瓚輕其兵少縱騎衝之義兵伏楯下不動未至數十步一時同發譟呼動地大敗瓚軍斬其將嚴綱追至瓚營拔其牙門餘衆皆走

青州黃巾寇兗州劉岱欲擊之濟北相鮑信諫曰今賊衆百萬百姓皆震恐士卒無鬪志不可敵也然賊軍無輜重唯以抄略爲資今不若畜士衆之力先爲固守彼欲戰不得攻又不能其勢必離散然後選精銳據要害擊之可破也岱不從遂與戰果爲所殺曹操部將陳宮謂操曰州今無主而王

命斷絕宮請說州中綱紀明府尋往牧之資之以收天下此霸王之業也宮因往說別駕治中迎操領兗州刺史賊衆精悍操兵寡弱操撫循激勵明設賞罰乘間設奇晝夜會戰戰輒禽獲賊遂退走鮑信戰死操追至濟北悉降之得卒三十餘萬收其精銳號青州兵詔以金尚爲兗州刺史將之部操逆擊之尚奔袁術

曹操使荀彧程昱守鄆城復往攻陶謙所過殘滅還擊破劉備於郟東謙恐欲走歸丹陽會張邈叛

一生失
看失天
下之本

操操乃引還初邈少時好游俠袁紹及操皆與之
善及紹為盟主有驕色邈正議責紹紹怒使操殺
之操不聽而邈終不自安前九江守邊讓素有才
名操以其譏議已而殺之由是兖州士大夫皆恐
懼陳宮剛直壯烈內亦自疑乃與邈弟超共謀叛
操說邈曰今天下分崩雄傑並起君以千里之眾
當四戰之地撫劍顧盼亦足以為人豪而反受制
於人不亦鄙乎今州軍東征其處空虛呂布壯士
善戰於前若權迎之共牧兖州觀天下形勢以俟

官亦止
料布可
縱橫一
時

時事之變此亦縱橫之一時也邈從之遂迎布為
兖州牧或知邈為亂即勒兵設備急召東郡守夏
侯惇於濮陽布遂據濮陽豫州刺史郭貢率眾數
萬來至城下或言與布同謀貢求見或或將往惇
曰君一州鎮也往必危或曰貢與邈等分非素結
也今來速計必未定及其未定說之縱不為用可
使中立若先疑之彼將怒而成計貢見或無懼意
謂鄆城未易攻遂引兵去是時兖州郡縣皆應布
唯鄆城范東阿不動降者言官欲自將取東阿又

使汎疑取范或謂昱曰今舉州皆叛唯有此三城
 不動君民之望也宜往撫之昱乃歸過范說其令
 斬允曰聞呂布執君母弟妻子孝子誠不可為心
 今天下大亂英雄並起必有命世能息天下之亂
 者此智者所宜詳擇也夫布籠中少親剛而無禮
 匹夫之雄耳宮等以勢假合不能相君也曹使君
 智略不世出殆天所授也君必固范我守東阿則
 田單之功可立孰與違忠從惡而母子俱亡乎允
 流涕許之遂殺汎疑勒兵自守昱又遣別騎絕倉

亭津宮不得渡至東阿令東祗已拒城堅守卒完
 三城以待操布攻鄆城不能下西屯濮陽操曰布
 不能據東平斷亢父泰山之道乘險要我而乃屯
 濮陽吾知其無能為也乃進攻之

呂布有別屯在濮陽西曹操夜襲破之布至搏戰
 相持甚急司馬與韋將應募者進當之矢至如雨
 韋不視謂等人曰虜來十步乃白曰十步又曰五
 步乃白等人懼疾言虜至韋持戟大呼而起所抵
 無不應手倒者操乃得引去遂入濮陽燒其東門

相擊時
 亦有略

人不可
以無佐
良之錯
印是之
留家俱
繁關也

示無反意及戰軍敗布騎得操而不識釋之操突
火而出進復攻之與布相守百餘日糧盡各引去
操還鄆城布屯山陽袁紹使人說操欲遣使家居
鄴操將許之程昱曰意者將軍殆臨事而懼不然
何慮之不深也夫袁紹有并天下之心而智不能
濟也將軍自度能為之下乎今兖州雖殘尚有三
城能戰之士不下萬人以將軍之神武與文若昱
等收而用之霸王之業可成也願將軍更慮之操
乃止

呂布將薛蘭李封屯鉅野曹操攻之斬蘭等謀見
死欲遂取徐州還乃定布荀彧曰昔高祖保關中
光武據河內皆深根固本以制天下進足以勝敵
退足以堅守故雖有困敗而終濟大業將軍本以
兖州首事且河濟天下之要地是亦將軍之關中
河內也不可以不先定今分兵東擊陳宮以其間
收熟麥一舉而布可破也若舍而東多留兵則不
足用少留兵則布乘虛寇暴民心益危是無兖州
也若徐州不定將軍當安所歸乎且謙雖死徐州

未易亡也彼懲往年之敗必堅壁清野以待將軍
攻之不拔略之無獲不出十日則數萬之衆未戰
而自困耳前討徐州或罰實行其子弟念父兄之
耻必無降心就能破之尚不可有也夫事固有棄
此取彼者以天易小可也以安易危可也權一時
之勢不慮今之不可也今三者莫利願將軍熟
慮之操及止布復與陳宮將萬餘人來戰探兵皆
出收麥在者不能千人屯西有大隄操隱兵隄裏
出半兵挑戰既合伏發大破之攻拔定陶分兵平

諸縣布東冉劉備張邈從之留弟超守雍立布見
備甚尊敬之請備於帳中坐婦牀上令婦向拜酌
酒飲食名備爲弟備見布語言無常外然而內不
稅
孫堅舊將丹陽朱治見袁術政德不立勸孫策歸
取江東策說術曰家有舊恩在東願舅討橫江橫
江拔因技本上召募可得二萬兵以佐明使君定
天下術知其恨而以劉繇據曲阿王朗在會稽謂
策未必能定乃許之表策爲折衝校尉將兵千餘

騎數十匹行收兵北至歷陽衆五六千周瑜自丹陽將兵迎之助以資糧進攻橫江拔之渡江轉鬪所向皆破莫敢當其鋒者百姓聞孫郎至皆失魂魄及策至軍士奉令不敢虜略雞犬菜茹一無所犯民乃大悅競以牛酒勞軍策爲人美安顏能笑語性闊達聽受善用入是以士民見者莫不盡心樂爲致死策攻劉繇於曲阿繇兵敗走策入曲阿勞賜將士發恩布令告諭諸縣樂從軍者一身行伍復除門戶不樂者不彊旬日之間四面雲集得

見兵一萬餘人馬千餘匹威震江東術表策行於寇將軍策將呂範言於策曰今將軍事業日失士衆日盛而紀綱猶有不整者範願暫領都督佐將軍部分之策曰子衡旣士大夫加手下已有大衆豈宜復屈小職知軍中細事乎範曰不然今捨本士而託將軍者非爲妻子也欲濟世務也譬猶同舟涉海一事不牢卽俱受其敗此亦範計非但將軍也策笑範出便羈禱著袴褶執鞭詣閣下啓事自稱領都督自是軍中肅睦威禁大行

廬江太守劉勳理皖城恃兵強士勇橫於江淮之間無出其右者孫策惡之時已有江左自領會稽太守使人卑辭厚幣而說之曰上繚宗人數欺下國患之有年矣擊之路實不便幸因將軍神武而臨之劉曄諫曰上繚雖小而城堅池深守之則易攻之則難不可旬日而拔也且兵見疲於外而國虛於內孫策多謀而善用兵乘虛襲我將何禦之而將軍進屈於敵退無所歸羝羊觸藩其在茲乎勳不從遂大興師伐上繚策果襲廬江拔之勳窮

覺遂奔曹操

孫策引兵渡浙江會稽功曹虞翻說太守王朗曰策善用兵不如避之朗不從發兵拒策於固陵策數戰不克策叔父靜說策曰朗負阻城守難可卒拔查瀆南去此數十里宜從彼據其內所謂攻其無備出其不意者也策從之夜多燃火為疑兵分軍投查瀆道襲高選屯朗大驚遣周昕逆戰策斬昕朗乃降策自領會稽太守復命翻為功曹待以交友之禮

中平以來民棄農業諸軍並起率乏糧穀饑則寇
略飽則棄餘瓦解流離無敵自破者不可勝數袁
紹軍仰桑椹袁術取給蒲羸賈祗請建置屯田曹
操從之以祗為屯田都尉任峻為典農中郎將募
民田許下得穀百萬斛於是州郡例置田官所
在厚皆滿故操征伐四方無運糧之勞

袁紹與操書辭語驕慢操語荀彧郭嘉曰今將討
一義而力不敵何如對曰劉項之不敵公所知也
今紹有十敗公有十勝紹雖強無能為也紹繁禮

多儀公體任自然此道勝也紹以逆動公奉順以
率天下此義勝也相靈以來政失於寬故不攝公
糾之以猛而上下有制此治勝也紹外寬內忌用
久而疑之所任唯親戚兄弟公外易簡而內機明
用久無疑唯才所宜不間遠近此度勝也紹多謀
少決失在後事公得策輒行應變無窮此謀勝也
紹高議揖遜以收名譽士之好言飾外者多歸之
公以至心待人不為虛美士之忠正遠見而有實
者皆願為用此德勝也紹見人饑寒卹念之形於

顏色其所不見慮或不及公於目前小事時有所
忽至於大事與四海接恩之所加皆過其望雖所
不見慮無不周此仁勝也紹大臣爭權讒言惑衆
公御下以道浸潤不行此明勝也紹是非不可知
公所是進之以禮所不是正之以法此文勝也紹
好爲虛勢不知兵要公以少克衆用兵如神軍人
恃之敵人畏之此武勝也操笑曰如卿所言孤何
德以堪嘉又曰紹方北擊公孫贊可因其遠征東
取呂布若紹爲寇布爲之援此深害也或亦曰不

先取呂布河北未易圖也操曰然吾所惑者又恐
紹東侵關中西亂羌胡南誘蜀溪是我獨以充豫
抗天下太分之五也爲將奈何或曰關中將帥以
十數莫能相一唯韓遂馬騰最強今若撫以恩德
遣使連和雖不能久安比公安定山東足以不動
侍中鍾繇有智謀若屬以西事公無憂矣操乃表
繇以待中守司隸校尉持節督關中諸軍特使不
拘科制繇至長安移書騰遂等爲陳禍福騰遂各
遣子入侍

袁術遣使以稱帝告呂布因求迎婦布遣女隨之
陳珪恐徐揚合從爲難未已往說布曰曹公奉迎
天子輔贊國政將軍直與協策共存大計今與術
結婚必受不義之名將有累卵之危矣布亦怨術
初不已受也女已在塗乃追還絕婚械送其使梟
首許市珪欲使子登詣曹操布固不肯會詔以布
爲左將軍操復遣布手書深加慰納布大喜卽遣
登奉章謝恩并答操書登見操因陳布勇而無謀
輕於去就宜早圖之操卽增珪秩中二千石拜登

高陵太守令陰合部衆爲內應始布因登求徐州
牧不得登還布怒拔戟斫几曰卿父勸吾協同曹
操絕婚公路今吾所求無獲而卿父子顯重但爲
卿所賣耳登不爲動徐對之曰登見曹公言養將
軍譬如養虎當飽其肉不飽則噬人公曰不如卿
言譬如養鷹餓則依人飽則颺去其言如此布意
乃解袁術遣其大將張勳等與韓暹楊奉步騎數
萬七道攻布布懼不敵珪曰暹奉與術卒合之師
耳謀無素定不能相維子登策之比於連雞勢不

俱棲立可離也。布用珪策與暹奉書曰：「將軍親拔天鵞而布手殺董卓，俱立功名。今奈何與袁術同為賊乎？不如相與并力破術為國除害。且許以術軍資悉與之，暹奉大喜。布進軍，暹奉兵同時呼，並到勳營，勳等散走，殺傷墮水死者殆盡。泰山賊帥臧霸破莒，得其資實，布自往求之。其督將高順諫曰：「將軍威名遠近，所畏何求不得而自行求賂萬一不克，豈不損耶？」布不從。霸等拒之，無獲而還。

荀攸曰：「張繡與劉表相恃為強，然繡以遊軍仰食於表，表不能供也。勢必乖離，不如緩之，可誘而致也。若急之，其勢必相救，操不從，圍張繡於穰。」袁紹每得詔書，患其有不便於己者，欲移天子，自近使說曹操以許下。甲濕雒陽殘破，宜徙都鄆城。以就軍實，操拒之。田豐曰：「徙都之計，既不克從，宜早圖許，奉迎天子，動託詔書，號令海內。此算之上者，不爾終為人所禽，雖悔無益也。」紹不從而亡卒。有以豐謀白操者，操解穰圍而還，張繡率眾追之。

劉表遣兵救繡屯於安衆守險以絕軍後操與荀
彧書曰吾到安衆破繡必矣及到安衆操軍前後
受敵操乃夜鑿險偽遁表繡悉軍來追操縱奇兵
夾攻大破之他日或問其故操曰虜過吾歸師而
與吾死地吾是以知勝矣繡之追操也賈詡止之
繡不聽敗還詡登城謂曰促更追之更戰必勝繡
從之果以勝還乃問詡曰繡以精兵追退兵而公
曰必敗以敗卒擊勝卒而公曰必克悉如公言何
也詡曰將軍雖善用兵非曹公敵也曹公軍新退

河上
之多也

必自斷後故知必敗曹公既無失策力未盡而一
朝引退必國內有故也已破將軍必輕軍速進留
諸將斷後諸將雖勇非將軍敵故雖用敗兵而戰
必勝也繡乃服

呂布復與袁術通遣高順張遼攻劉備九月破沛
城虜備妻子備單身走曹操欲自擊布諸將皆曰
劉表張繡在後而遠襲呂布其危必也荀攸曰表
繡新破勢不敢動布驍猛又恃袁術若縱橫淮泗
間豪傑必應之今乘其初叛衆心未一往可破也

操曰善此行泰山屯帥臧霸等皆附於布操與劉備遇於梁進至彭城陳宮謂布宜逆擊之以逸擊勞無不克也布曰不如待其來攻蹙著泗水中十月操屠彭城廣陵太守陳登率郡兵爲操先驅進至下邳布屢戰皆敗還保城不敢出欲降陳宮曰曹操遠來勢不能久將軍若以步騎出屯於外官將餘衆閉守於內若向將軍官引兵而攻其背若但攻城則將軍救於外不過旬月操軍食盡擊之可破也布然之布妻曰官與高順素不和必不同

心共守如有蹉跌將軍當於何自立乎且曹氏待公臺如赤子猶舍而歸我今將軍厚公臺不過曹氏而欲委全城捐妻子孤軍遠出若一旦有變妾豈得復爲將軍妻哉布乃止張楊素與布善欲救之不能乃出兵遙爲之勢十一月楊將楊醜殺楊以應操別將駐固復殺醜將其衆北合袁紹楊性仁和無威刑下人謀反發覺對之涕泣輒原不問故及於難操圍下邳久疲敝欲還荀攸郭嘉曰呂布勇而無謀今屢戰皆北銳氣衰矣三軍以將爲

主主衰則軍無奮意陳宮有志而遲今及布氣之未復宮謀之未定急攻之布可拔也乃引沂泗灌城月餘布益困迫十一月大將魏續等共執陳宮高順率其衆降布登白門樓兵縛之急布令左右取其首詣操左右不忍乃下降

袁紹益驕貢御稀簡簡精兵十萬騎萬匹欲以攻許沮授諫曰近師出歷年百姓疲敝倉庫無積未可動也宜務農息民遣使獻捷若不得通乃表曹操隔我王路然後進屯黎陽漸管河南益作舟船

繕脩器械分遣精騎抄其邊鄙令彼不得安我處其逸如此可坐定也郭圖審配曰以明公之神武引強衆以伐曹操易如覆手何必乃爾授曰夫救亂誅暴謂之義兵恃衆憑強謂之驕兵義者無敵驕者先滅曹操奉天子以令天下今舉師南向於義則違且廟勝之策不在強弱曹操法令既行士卒精練非公孫瓚坐而受攻者也今棄萬安之術而興無名之師竊爲公懼之圖配曰武王伐紂不爲不義况兵加曹操而云無名且以公今日之強

將士思奮不及時以定大業所謂天與不取反受其咎監軍之計在於持守而非見時知幾之變也紹納圖言圖等因是讚授曰授監統內外威震三軍紹乃分授所統使與郭圖淳于瓊各典一軍許下諸將聞紹南兵皆懼曹操曰吾知紹之為人志大而智小色厲而膽薄忌刻而少威兵多而分畫不明將驕而政令不一土地雖廣糧雖豐適足以為吾奉也八月操進軍黎陽使臧霸等入青州于禁屯河上九月操還許分兵守官渡

關中諸將以袁曹方爭皆中立顧望涼州牧韋端使從事楊阜詣許阜還諸將問袁曹勝敗阜曰袁公寬而不斷好謀而少決不斷則無威少決則後事今雖強終不能成大業曹公有雄才遠略決機無疑法一而兵精能用度外之人所在各盡其力必能濟大事者操使御史衛覬鎮撫關中時四方大有還民諸將多引於部曲覬書與荀彧曰關中膏腴之地頃遭荒亂人民流入荊州者十萬餘家今歸者無以自業諸將各自招懷以為部曲郡縣

貧弱不能與爭兵家送疆一旦變動必有後憂夫
鹽國之大寶也亂來放散宜如舊置使者監賣以
其直益市犁牛若有歸民以供給之勤耕積粟以
豐殖關中遠民間之必日夜競還又使司隸留治
關中以爲之主則諸將日削官民日盛此強本弱
敵之利也或以白操從之關中由是服從

武備志卷二十五

武備志卷二十六

防風茅元儀輯

戰略考

三國

車騎將軍董承謀誅操稱受帝帶中密詔與劉備
共事謀洩操殺承等夷三族備北侵至鄴操遣李
典從夏侯惇拒之備一旦燒屯去惇率諸軍追擊
之典曰賊無故退疑必有伏南道窄狹草木深不
可追也惇不聽與于禁追之典留守惇等果入伏

正傳卷之二十一
劉備諸將皆曰與公爭天下者袁紹也今紹方來而棄之東紹乘吾後若何操曰劉備人傑也今不擊必為後患郭嘉曰紹性遲而多疑來必不速備新起衆心未附急擊之必敗操師遂東田豐說袁紹曰曹劉連兵未可卒解公與軍而襲其後可一往而定紹辭以子疾豐舉杖擊地曰嗟乎遭難遇之時而以嬰兒病失其會惜哉事去矣操擊劉備破之獲其妻子進拔下邳禽關羽備奔青州歸袁

智士所見略同

紹紹去鄴一百里迎之

操還官渡紹乃議攻許田豐曰曹操既破劉備則許下非復空虛且操善用兵衆雖少未可輕也今不如以久待之外結英雄內脩農戰然後簡其精銳乘虛迭出救右則擊其左救左則擊其右使我未勞而彼已困不及二年可坐克也今釋廟勝之策而決成敗於一戰若不如志悔無及也紹不從豐強諫紹械繫之於是移檄州郡數操罪惡二月進兵黎陽祖授臨行會其宗族散財與之曰勢存

則威無不加勢亡則不保一身哀哉紹遣顏良攻
白馬荀彧曰今兵少不敵必分其勢乃可公入延
津若將渡兵向其後者紹必西應之然後輕兵襲
白馬掩其不備顏良可禽也操從之紹分兵西操
乃引軍兼行趣白馬良來逆戰關羽望見良麾蓋
策馬刺良於萬衆之中斬其首而還紹軍莫敢當
遂解白馬之圍徙其民而西紹渡河追之祖授曰
勝負變化不可不詳今宜留屯延津分兵官渡若
其克獲還迎不晚設其有難衆弗可還紹不從授

臨濟嘆曰上盈其志下務其功悠悠黃河吾其濟
乎遂以疾辭紹不許而意恨之軍至延津南操勒
兵駐營南阪下令騎解鞍放馬是時白馬輜重就
道諸將以爲敵騎多不如去之荀攸曰此所以餌
敵如何去之操顧攸而笑紹騎將文醜與劉備將
五六千騎前後至諸將曰可上馬操曰未也有頃
騎至稍多或分趣輜重操曰可矣乃皆上馬縱擊
大破之斬醜醜良皆紹名將再戰禽之紹軍奪氣
袁紹軍揚武祖授說曰北兵雖多而勁果不及南

南兵雖精而資儲不如北南幸於急戰北利在緩
師宜徐持久曠以日月紹不從八月紹進營稍前
東西數十里操亦分營與相當出兵戰不勝復還
堅壁紹爲高櫓起土山爲地道攻之操衆少糧盡
士卒疲百姓多叛操與荀彧書議欲還以致紹
師彧報曰紹悉衆聚官渡欲與公決勝敗公以至
弱當至強若不能制必爲所乘是天下之太機也
且紹布衣之雄耳能聚人而不能用以公之神武
明哲而輔以太順何向而不濟今穀雖少未可走

漢在滎陽成臯間也是時劉項莫肯先退者以爲
先退則勢屈也公以十分居一之衆畫地而守之
搃其喉而不得進已半年矣情見勢竭必將有變
此用奇之時不可失也操乃堅壁持之紹運穀車
數千乘至官渡操擊燒之十月紹復遣軍運穀使
淳于瓊等將兵送之祖授說紹可別爲支軍於表
以絕曹操之越許攸曰曹操悉師拒我許下勢必
空弱若分遣輕軍星行掩襲許可拔也許拔則奉
迎天子以討操操成禽矣如其未潰可令首尾犇

此着最
清

命破之必也紹皆不從會攸家犯法審配收繫之攸怒遂犇操操聞其來跣出迎之撫掌笑曰子卿遠來吾事濟矣既入坐謂操曰袁氏軍盛何以待之今有幾糧乎操曰尚可支一歲又曰無是更言之又曰可支半歲攸曰足下不欲以袁氏耶何言之不實也操曰向言戲之耳其實可支一月為之奈何攸曰袁氏輜重萬餘乘在故壘烏巢屯軍無嚴備若以輕兵襲之燔其積聚不過二日袁氏自敗也操大喜乃留荀攸曹洪守營口將步騎五千

英雄相
同

用袁軍旗幟銜枚縛馬口夜從間道出人抱束薪至屯放火急擊之紹聞操擊瓊謂其子譚曰就操破瓊吾拔其營彼固無所歸矣乃使其將高覽張郃等攻操營郃曰曹公精兵往必破瓊請先救之郭圖固請攻操營郃曰曹公營固攻之必不拔若瓊等見禽吾屬盡為虜矣紹但遣輕騎救瓊而以重兵攻營不能下騎至烏巢操大破之斬瓊等盡燔其糧穀紹軍恟懼郭圖慙復諸張郃遂與覽焚攻具請操營降於是紹軍驚擾大潰紹及譚等

此非負
國之仇
何以坑
爲

幅巾乘馬與八百騎渡河操追之不及盡收其輜
重圖書珍寶餘衆降者操盡坑之前後所殺七萬
餘人

張遼與夏侯淵圍昌豨於東海數月糧盡議引軍
還遼謂淵曰數日已來每行諸圍豨輒屬目視遼
又其射矢更稀此必豨計猶豫故不力戰遼欲挑
與語儻可誘也乃使謂豨曰公有命使遼傳之豨
果下與遼語遼爲說曹公神武方以德懷四方先
附者受大賞豨乃許降遼遂單身上三公山入豨

願似男
兒
亦自若
成
此是妄
語只爲
極盡耳

家拜妻子豨歡喜隨詣操操遣豨還責遼曰此非
大將法也遼謝曰以明公威信著於四海遼奉聖
旨豨必不敢害故也
曹操下書責孫權任子權召羣僚會議張昭等猶
豫不決權引周瑜詣吳夫人前定議瑜曰昔楚國
初封不滿百里繼嗣賢能廣土開境遂據荆揚至
於南海傳業延祚九百餘年今將軍承父兄餘資
兼六郡之衆兵精糧多將士用命鑄山煮海境內
富饒有何逼迫而欲送質質一入不得不與曹氏

較首尾則命召不得不往如此見制於人極不過
一侯印僕從十餘人車數乘馬數匹豈與南面稱
孤同哉不如勿遣徐觀其變若曹氏能寧義以正
天下將軍事之未晚若為暴亂彼自亡之不暇焉
能害人吳夫人曰公瑾議是也公瑾與伯符同年
小一月耳我視之如子汝其兄事之遂不送質
曹操攻黎陽譚尚敗走還鄴操追之鄴諸將欲遂
攻之郭嘉曰袁紹愛此二子莫適立也今權立相
侔各有黨與急之則相保緩之則爭心生不如南

向荆州以待其變變成而後擊之可一舉定也操
曰善留賈信守黎陽而還譚謂尚曰今曹軍退人
懷歸志及其未濟出兵掩之可令大潰此策不可
失也尚疑之譚大怒攻尚譚敗引兵還南渡
操擊劉表軍於西平袁尚攻袁譚大破之譚奔平
原尚圍之急譚遣辛評弟毗詣曹操請救劉表以
書諫譚曰君子違難不適讎國交絕不出惡聲况
忘先人之讎棄親戚之好而為萬世之戒遺同盟
之耻哉若冀州不弟君當降志辱身以濟事為務

如此光景尚以醉說說之又道其理而不道其夢言見表之多迂也

事定之後使天下平其曲直不亦為高義耶又與尚書曰青州天性峭急迷於曲直君當先除曹操以卒先公之恨事定之後乃議曲直之計不亦善乎若迷而不反則是韓盧東郭自困於前而遺田父之獲也譚尚皆不從毗至西平操羣下多以爲劉表方彊宜先平之荀攸曰天下方有事而劉表坐保江漢之間其無四方之志可知矣袁氏據四州之地帶甲數十萬紹以寬厚得衆心使二子和睦以守其成業則天下之難未息也今兄弟構惡

與

其勢不兩全若有所并則力專力專則難圖也及其亂而取之天下定矣此時不可失也操從之謂毗曰譚必可信尚必可克不毗對曰明公無間信與詐也直當亂其勢耳袁氏兄弟相伐本謂天下可定於已而一旦求救於明公此可知也今其兵革敗於外謀臣誅於內兄弟讒鬪國分為二連年戰伐介胄生蟣蝨加以旱蝗饑饉並臻今往攻鄴尚不還救即不能自守還救則譚踵其後此乃天亡尚之時也天以尚與明公明公不取而伐荊州

荆州豐樂國未有釁二袁不務遠略而內相圖朝
不謀夕民命靡繼而不緩之欲待他年他年或登
又自知亡而改脩厥德失所以用兵之要矣今因
其請救而撫之利莫大焉且四方之寇莫大於河
北河北平則六軍盛而天下震矣操曰善乃許譚
至十月至黎陽尚聞操渡河乃釋平原還鄴操引
軍退

正月曹操濟河過其水入白溝以通糧道二月尚
復攻譚於平原留審配守鄴操爲土山地道以攻

可兒

鄴又攻絕其糧五月鑿斷圍城周回四十里初令
淺示若可越配望見笑之不出爭利操一夜濬之
廣深二丈引漳水灌之城中餓死者過半七月尚
將萬餘人還救鄴先使主簿李孚入城孚著平上
幘投暮詐稱都督歷北圍而東呵責守圍將士隨
輕重行罰遂歷操營前至南圍責怒守者收縛之
因開其圍馳到城下呼城上人得入操聞笑曰此
非徒得入也方且復出乎知圍不可復冒乃請配
悉出城中老弱以省穀夜持幡出降孚隨輩出笑

只此一語便高入一等

圍得去尚兵既至配出兵城北操逆擊之敗還尚
奔中山操殺配哭祀紹墓慰其妻還家人寶物賜
繒絮廩食初紹與操共起兵紹問操曰今倡義舉
大事事不輯則方面何所可據操曰足下意以為
何如紹曰吾南據河北阻燕代兼戎狄之衆南向
以爭天下庶可以濟乎操曰吾任天下之智力以
道御之無所不可九月紹以操領冀州牧操讓還
兖州辟崔琰為別駕謂曰昨按戶籍可得二十萬
衆故為太州也對曰今九州幅裂一哀親尋干戈

大類
太卷

冀方蒸庶暴骨原野未聞王師存問風俗救其塗
炭而唯以校計甲兵為先斯豈鄙州士女所望於
明公哉操改容謝之許攸恃功慢操操竟殺之
丹陽督媽覽丞戴員殺太守孫翊覽欲逼娶翊妻
徐氏徐給之曰乞須晦日設祭除服然後聽命潛
使所親語翊舊將孫高傳嬰等與共圖覽高嬰涕
泣許諾密呼翊時侍養者二十餘人與盟誓合謀
晦日設祭徐哭泣盡哀畢乃除服薰香沐浴言笑
懽悅覽密覘無復疑意徐呼高嬰置戶內使人召

此婦堪
作丹陽

覽入適得一拜徐大呼君可起高嬰俱出共殺
覽餘人即就外殺買徐氏乃還續經奉覽員首以
祭堀墓舉軍震駭孫權族誅覽員餘黨擢高嬰為
牙門

曹操攻南皮袁譚出戰士卒多死操欲緩之議郎
曹純曰今懸師深入難以持久若進不能克退必
喪威乃自執桴鼓以率攻者遂克之譚出走追斬
之告諭吏民各安故業斬郭圖等及其妻子王脩
請操乞收葬譚尸許之辟為司空掾郭嘉說操多

安州之本

許青冀幽并名士為掾屬操從之官渡之戰袁紹
使陳琳為檄書數操罪惡連及家世極其醜詆之
是琳歸操操曰卿昔為本初移書但可罪狀孤身
何乃上及父祖耶琳謝罪操釋之使與阮瑀俱
記室

曹操將擊烏桓諸將皆曰袁尚亡虜耳夷狄貪而
無親豈能為尚用今深入征之劉備必說劉表以
襲許萬一為變事不可悔郭嘉曰公雖威震天下
胡恃其遠必不設備因其無備卒然擊之可破滅

也且袁紹有恩於諸夷而尚兄弟生存今舍而南
征尚因烏桓之資招其死士之臣以生蹋頓之心
恐青冀非已有也表坐談客耳自知才不足以任
備重任之則恐不能制輕任之則備不爲用雖虛
國遠征公無憂矣操從之行至易嘉曰兵貴神速
今千里襲人輜重多難以趨利不如輕兵異道以
出掩其不意操遣使辟田疇卽至隨軍次無終時
方夏水雨而濱海滄下滯滯不通虜亦遮守蹊要
軍不得進疇曰此道秋夏有水淺不通車馬深不

戰舟船爲難久矣舊北平郡治在平岡道出盧龍
達於柳城自建武以來陷壞斷絕尚有微徑若尚
軍從盧龍口越白檀之險出空虛之地路近而便
掩其不備蹋頓可不戰而禽也操令疇將其衆爲
鄉導上徐無山塹山谷五百餘里經白檀歷平
岡涉鮮卑庭東詣柳城未至二百里虜乃知之尚
熙與蹋頓等將數萬騎逆軍八月操登白狼山卒
與虜遇縱兵擊之虜衆大崩斬蹋頓降者二十餘
萬尚熙奔遼東尚有數千騎或勸操遂擊之操曰

吾方使公孫康送尚熙首不煩兵矣九月引還康果斬尚熙首送之諸將或問操操曰彼素畏尚熙吾急之則并力緩之則自相圖其勢然也操梟尚首令敢哭者斬牽招獨設祭悲哭操義而舉之時天寒且旱二百里無水軍又乏食殺馬數千匹以為糧鬻地二十餘丈方得水既還科問前諫者皆厚賞之曰孤前行乘危以徼倖不可以為常諸君之諫萬安之計是以相賞後勿難言之對田疇為亭侯不受操之北伐也劉備說劉表襲許表不能

為此令者正欲索一義士耳

正謂表後亦不能用耳

用至是表謂備曰不用君言故為夫此大會備曰今天下分裂日尋干戈事會之來豈有終極乎若能應之於後者則此未足為恨也
瑯琊諸葛亮寓居南陽隆中每自比管仲樂毅時人莫之許也惟穎川徐庶崔州平然之州平烈之子也劉備訪士於襄陽司馬徽徽曰儒生俗士豈識時務識時務在乎俊傑此間自有伏龍鳳雛備問為誰曰諸葛孔明龐士元也徐庶亦謂備曰諸葛孔明卧龍也將軍豈願見之乎備曰君與俱來

庶曰此人可就見不可屈致也將軍宜枉駕顧之
備由是詣亮凡三往乃見因屏人曰漢室傾頽姦
臣竊命孤不度德量力欲信太義於天下而智術
淺短遂用猖獗至於今日然志猶未已君謂計將
安出亮曰今曹操已擁百萬之衆挾天子而令諸
侯此誠不可與爭鋒孫權據有江東已歷三世國
險而民附賢能與之用此可與爲援而不可圖也
荆州北據漢沔利盡南海東連吳會西通巴蜀此
用武之國而其主不能守此殆天所以資將軍也

益州險塞沃野千里天府之士劉璋闇弱張魯在
北民殷國富而不知存卹智能之士思得明君將
軍既帝室之胄信義著於四海若跨有荆益保其
巖阻西和諸戎南撫夷越外結孫權內脩政理天
下有變則命一上將將荆州之軍以向宛洛將軍
身率益州之衆出於秦川百姓孰敢不箠食壺漿
以迎將軍者乎誠如是則霸業可成漢室可興矣
備曰善於是與亮情好日密關羽張飛不悅備解
之曰孤之有孔明猶魚之有水也願諸君勿復言

羽飛乃止

巴郡甘寧將僮客八百人歸劉表觀表事勢終必無成欲東入吳黃祖在夏口軍不得過乃留依祖三年祖以凡人畜之孫權擊祖祖軍敗走權校尉凌操急追之寧射殺操祖得免軍罷還營待寧如初都督蘇飛數薦寧不用乃白以為邾長寧遂亡奔孫權周瑜呂蒙共薦達之寧獻策曰今漢祚日微曹操終為篡盜南荆形便誠國之西勢也寧觀劉表慮既不遠兒子又劣至尊當早圖之不可後

祖真凡人也

權亦不盡用寧

計致有會獵之

操圖之計宜先取黃祖祖今昏耄已甚財穀並乏左右貪縱吏士心怨舟船戰具頓廢不脩怠於耕農軍無法伍至尊今往其破可必一名破祖軍鼓行而西據楚關大勢彌廣即可漸規巴蜀矣權深納之張昭難曰今吳下業業若軍果行恐必致亂寧謂昭曰國家以蕭何之任付君君居守而憂亂奚以希慕古人乎權舉酒屬寧曰興霸今年行討如此酒矣決以付卿但當勉建方略何嫌張長史之言乎權遂西擊黃祖祖橫兩蒙衝把守沔口大繼

戰略考 三國一

繫可千弩交射軍不得前將軍董襲司馬凌統各將敢死百人披兩鎧乘大舸突入蒙衝裏襲以刀斷繼蒙衝乃橫流大兵遂進祖令陳就逆戰呂蒙親梟就首於是水性並進遂屠其城祖挺身走追斬之又欲殺蘇飛甘寧下席叩頭流涕言飛舊恩乞其首領權乃舍之凌操子統欲殺寧權命統不得讎之令寧屯他所

劉備屯樊劉琮降操不以告比覺則操已在宛矣備大驚或勸備攻琮荆州可得備曰劉荆州臨亡

此時若取荆州無益于事非真迂也

託我以孤遺背信日濟死何面目以見劉荆州乎將其衆去過襄陽呼琮琮懼不能起琮左右及荆州人多歸備備過辭表墓涕泣而去到當陽衆餘十萬人輜重數十兩日行十餘里別遣關羽乘船會江陵或謂備宜速行保江陵今擁大衆披甲者少曹公兵至何以拒之備曰濟大事者以人心爲本今人歸吾吾何忍棄去

操亦不易獲然

琮將王威曰曹操聞將軍既降劉備已走必懈弛無備輕行單進若給威奇兵數千徼之於險操可

有此着
亦可明
其南

獲也獲操即威震四海非徒保守今日而已琮不
納操以江陵有軍實恐劉備據之乃釋輜重將精
兵急追之及於當陽之長阪備棄妻子與諸葛亮
張飛趙雲等數十騎走徐庶母為操所獲庶辭備
指其心曰本欲與將軍共圖王霸之業者以此方
寸地也今已失老母方寸亂矣無益於事請從此
別遂請操張飛拒後據水斷橋瞋目橫矛挺身曰
身是張翼德也可來共決死操兵無敢近者雲抱
備子禪與關羽船會得濟西遇劉琦眾萬餘人俱

成建
之此若
也權後
反以蓋
亦難居
矣

到夏口魯肅言於孫權曰荆州與國鄰接江山險固沃野
萬里士民殷富若據而有之此帝王之資也今劉
表新亡二子不協軍中諸將各有彼此劉備天下
梟雄與操有隙若與彼協心上下齊同則宜撫安
與結盟好如有離違宜別圖之以濟大事肅請得
奉命吊表二子并慰勞其軍中用事者及說備使
撫表眾同心一意共治曹操備必喜而從命如其
克諾天下可定也今不遠往恐為操所先權即遣

肅行到夏口聞操已向荆州晨夜兼道比至南郡而琮已降肅遂迎備於當陽長阪宣權旨致慇懃之意且曰孫討虜聰明仁惠敬賢禮士江表英豪咸歸附之已據有大郡兵精糧多足以立事今為君計莫若遣腹心自結於東以共濟世業備甚悅肅又謂諸葛亮曰我子瑜友也即共定交子瑜者亮兄瑾也為權長史備進住樊口操將順江東下亮謂備曰事急矣請奉命求救於孫將軍遂與肅俱詣孫權見於柴桑說曰海內大亂將軍起兵江

妙在一激

亦是自來
雄人語
妙在士
歸一句

東劉豫州收衆漢南與曹操並爭天下今操茂虜大難略已平矣遂破荆州威震四海英雄無用武之地故豫州遁逃至此願將軍量力而處之若能以吳越之衆與中國抗衡不如早與之絕若不能何不按兵束甲北面而事之今將軍外托服從之名而內懷猶豫之計事急而不斷禍至無日矣權曰苟如君言劉豫州何不遂事之乎亮曰田橫齊之壯士耳猶守死不辱况劉豫州王宰之曹英才蓋世衆士慕仰若水之歸海若事之不濟此乃天

戰略考 三國一

暗暗打動

也安得復為之下乎權勃然曰吾不能舉全吳之地十萬之衆受請於人吾計決矣非豫州莫以當曹操者然豫州新敗安能抗此難乎亮曰豫州軍雖敗於長坂今戰士還者及關羽水軍精甲萬人劉琦合江夏戰士亦不下萬人曹操之衆遠來疲敝間追豫州輕騎一日一夜行三百餘里此所謂彊弩之末勢不能穿魯縞者也故兵法忌之曰必蹶上將軍且北方之人不習水戰又荆州之民附操者偪兵勢耳非心服也今將軍誠能命猛將統

梟雄

料到底

兵數萬與豫州協規同力破操軍必矣操軍破必北還如此則荆吳之勢彊鼎足之形成矣成敗之機在於今日權大悅特操遺權書曰近者奉辭伐罪劉琮束手今治水軍八十萬與將軍會獵於吳權以示羣下莫不失色張昭等曰曹公豺虎也挾天子以征四方拒之不順且將軍大勢可以拒操者長江也今操得荆州軍蒙衝鬪艦水陸俱下長江之險已與我共矣而勢力衆寡又不可論愚謂大計不如迎之便魯肅獨不言權起更衣肅迎於

字下權知其意執蕭手曰卿欲何言蕭曰向察衆人之議專欲誤將軍不足與斷大事今蕭可迎操耳如將軍不可也何以言之今蕭迎操操當以蕭還付鄉黨品其名位猶不失下曹從事乘犢車從東卒交游士林累官固不失州郡也將軍迎操欲安所歸乎願早定大計莫用衆人之議也權歎息曰諸人持議甚失孤望今卿廓開大計正與孤同時周瑜受使至番陽肅勸權召瑜還瑜至謂權曰操雖託名漢相實漢賊也將軍以神武雄才兼文

父兄之烈割據江東地方數千里兵精足用英雄樂業當橫行天下為國家除殘去穢况操自送死而可迎之耶請為將軍籌之今北土未平馬超韓遂為操後患而操舍鞍馬仗舟楫與吳越爭衡又今盛寒馬無橐草驅中國士衆遠涉江湖之間不習水土必生疾病此數者用兵之患也而操皆冒行之將軍擒操宜在今日瑜請得精兵數萬進住夏口保為將軍破之權曰老賊欲廢漢自立久矣徒忌二袁呂布劉表與孤耳今數雄已滅惟孤尚

存孤與老賊勢不兩立君言當擊甚與孤合此天
以君授孤也因拔刀斫前奏案曰諸將吏敢有復
言當迎操者與此案同乃罷會是夜瑜復見權曰
諸人徒見操書言水步八十萬而各恐懼甚無謂
也今以實校之彼所將中國人不過十五六萬且
已久疲所得表衆亦極七八萬耳尚懷狐疑夫以
疾病之卒御狐疑之衆衆數雖多甚不足畏瑜得
精兵五萬自足制之願將軍勿慮權撫其背曰公
瑾卿言至此甚合孤心子布元表各顧妻子深失

所望獨卿與子敬與孤同耳此天以卿二人替孤
也已選三萬人船糧戰具俱辦卿與子敬程公便
在前發孤當續發今衆多載資糧爲卿後接遂以
周瑜程普爲左右督與備并力逆操以魯肅爲贊
軍校尉助畫方略劉備望見瑜船乘單舸往見瑜
問戰卒有幾瑜曰三萬人備曰恨少瑜曰此自足
用豫州但觀瑜破之備深愧喜進與操遇於赤壁
時操軍已有疾疫初一交戰操軍不利引次江北
瑜等在南岸瑜部將黃蓋曰今寇衆我寡難與持

久操軍方連船艦首尾相接可燒而走也及取蒙
衝鬪艦十艘載燥荻枯柴灌油其中裹以帷幕上
建旌旗豫備走舳繫於其尾先以書遺操詐云欲
降時東南風急蓋以十艘最著前中江舉帆餘船
以次俱進操軍吏士皆出營立觀指言蓋陰去北
軍二里餘同時發火火烈風猛船往如箭燒盡北
船延及岸上營落頃之煙燄漲天人馬燒溺死者
甚衆瑜等率輕銳繼其後搗鼓大進北軍大壞操
引軍走過泥濘道不通悉使羸兵負草填之蹈藉

馬亦多自是

死者甚衆劉備周瑜水陸並進追至南郡操軍損
其大半操乃留曹仁守江陵樂進守襄陽引軍北
還甘寧徑進取夷陵守之益州將襲肅舉軍降瑜
以肅兵益呂蒙蒙盛稱肅有膽用且慕化遠來於
義宜益不宜奪也權善其言還肅兵曹仁圍甘寧
蒙謂瑜曰留凌公績能十日守也瑜從之蒙說瑜
分遣二百人柴斷險道賊走可得其馬瑜從之軍
到夷陵即日交戰所殺過半敵夜遁去行遇柴道
騎皆舍馬步走兵追感擊獲馬三百匹方船載還

增形勢
正見得
勝不在
大小期
乎賞機

武備志卷二十六

於是將士形勢自倍乃渡江立屯與相攻擊曹仁退走遂據南郡撫定荊州

吳丹陽黠賊帥陳僕等二萬戶屯林歷山四面壁立吳將賀齊募輕捷士夜於隱處以鐵戈拓山而上縣布以援下人得上者百餘人分布四面賊角賊守路者皆驚走還大軍上攻破之以其地為新都郡齊為太守

武備志卷二十六

武備志卷二十七

防風茅元儀輯

戰略考

三國三

孫權圍合肥操遣兵救之久而不至楊州別駕蔣濟詐言救至遣使齎書語城中權軍獲之遂引兵退

操留張遼樂進李典屯合肥而還遼軍中嘗有謀反者夜驚亂起火一軍盡擾遼曰是否一軍盡反

武備志卷二十七

戰略考 三國三

應卒可
法

必有造變者欲以驚動人耳乃令軍中其不反者
安坐遼將親兵數十人中陣而立俄頃皆定即得
首謀者殺之

操遣鍾繇討張魯而使夏侯淵等出河東與繇會
倉曹屬高柔諫曰大兵西出韓遂馬超疑為襲已
必相扇動宜先招集三輔三輔苟平漢中可傳檄
而定也操不從關中諸將疑之馬超韓遂等十部
皆反其眾十萬餘據潼關七月操自將擊之八月
至潼關恐不得渡召問徐晃晃曰公盛兵於此而

柔曾料
張魯之
不終今
所言又
如此真
智士也

賊不復別守蒲阪知其無謀也今假臣精兵渡蒲
阪津為軍先置以截其裏賊可擒也操曰善使晃
以步騎四千人渡津作塹柵未成賊梁興夜將步
騎五千餘人攻晃晃擊走之閏八月操北渡河兵
眾先渡操獨與虎士百餘人留南岸斷後馬超將
步騎萬餘人攻之矢下如雨操猶據胡床不動許
楮扶操上船船土中流矢死楮左手舉鞍蔽操右
手刺船校尉丁裴放牛馬以餌賊賊亂取之操乃
得渡遂自蒲坂渡西河循河為甬道而南超等追

拒渭口操乃多設疑兵潛遣兵入渭作浮橋而夜分兵結營於渭南超等夜攻營伏兵擊破之九月進軍悉渡超等數挑戰不許固請割地送任子賈詡以為可偽許之操復問詡詡曰離之而已操曰解韓遂請與操相見操與遂有舊於是交馬語移時不及軍事但說京都舊故拊手歡笑時秦胡觀者前後重沓操笑謂之曰爾欲觀曹公耶亦猶入也非有四目兩口但多智耳既罷超等問遂曹公何言遂曰無所言也超等疑之他日操與超書多

所點竄如遂改定者超等愈疑遂操乃與克日會戰大破之遂超奔涼州操追至安定而還諸將問曰初賊守潼關渭北道缺不從河東擊馮翊而反守潼關引日而後北渡何也操曰若吾入河東賊必引守津則西河未可渡吾故盛兵向潼關使賊悉眾南守而取西河之備虛故一將得西河然後引軍北渡賊不與吾爭連車樹柵為甬道而南既為不可勝且以示弱渡渭且堅壘虜至不出所以驕之也故賊不為營壘而求割地吾順言許之使不

爲備因畜士卒之力一旦擊之所謂疾雷不及掩
耳兵之變化固非一道也始關中諸將每部到
操輒有喜色諸將問其故操曰關中長遠若賊各
依險阻征之不一二年不可定也今皆來集其衆
雖多莫適爲主一舉可滅吾是以喜乃留夏侯淵
屯長安以張既爲京兆尹招懷流民興復縣邑
扶風法正爲劉璋軍議校尉璋不能用又爲州里
俱僑客者所鄙正邑邑不得志別駕張松與正善
亦自負其才料璋不足與有爲因勸璋結劉備璋

曰誰可使者松乃舉正正辭謝佯爲不得已而行
還爲松說備有雄略密議奉戴以爲州主會鍾繇
欲向漢中璋懼松因說曰曹公兵無敵於天下若
因張魯之資以取蜀上誰能禦之劉豫州使君之
宗室而曹公之深仇也善用兵若使之討魯魯必
破魯破則益州強曹公雖來無能爲也今州中諸
將恃功驕豪欲有外意不得豫州則敵攻其外民
攻其內必敗之道也璋然之遣正迎備主薄黃雄
諫曰左將軍有驍名今以部曲遇之則不滿其心

此雖爲
備亦未
爲璋璋
也璋豈
操敵哉
卽內難
亦所不
免也

以客禮待之則一國不容一君若客有泰山之安則主有累卵之危不若閉境以待時清從事王累自倒懸於州門以諫璋一無所納正至荆州陰說備取益州備疑未決龐統曰荆州荒殘人物殫盡東有孫車騎北有曹操難以得志今益州戶口百萬土沃財富誠得以為資大業可成也備曰今正與吾水火者曹操也操以急吾以寬操以暴吾以仁操以譎吾以忠每與操反事乃可成耳今以小利而失信義於天下奈何統曰亂離之時固非一

自是素懷

道所能定也且兼弱攻昧逆取順守古人所貴若事定之後封以太國何負於信今日不取終為入利耳備以為然乃留諸葛亮關羽等守荆州自將步卒數萬而西孫權聞備西上遣船迎妹而軍人欲將備子禪去張飛趙雲勒兵截江乃得禪還劉璋隨在所供奉贈遺以巨億計巴郡太守嚴顏拊心歎曰此所謂獨立窮山放虎自衛者也備北至諸浩璋率兵三萬往會之張松令法正白備於會襲璋龐統曰如此則無用兵之勞而坐定丁州不

此著元
主勝於
孫臣

可矢也備曰初入他國恩信未著此不可也歡飲
百餘日璋增備兵厚加資給使擊張魯備北到葭
萌厚樹恩德以收衆心

呂蒙聞曹操欲東兵說孫權夾濡須水口立塢諸
將皆曰上岸擊賊沈疋入船何用塢為曰兵有利
鈍戰無百勝如有避追敵步騎蹙入不暇及水其
得船于權遂從之

益州從事廣漢鄭度謂劉璋曰左將軍懸軍襲我
野穀是資莫若盡驅巴西梓潼民納涪水以西其

倉廩野穀一皆燒除高壘深溝請戰勿許不過百
日彼將自走走而擊之此必擒矣備聞而惡之法
正曰璋終不能用無憂也璋果謂其羣下曰吾聞
拒敵以安民未聞動民以避敵也遣其將吳懿等
拒備皆敗退懿詣軍降

曹操遣廬江太守朱光屯皖大開稻田呂蒙言於
孫權曰皖田肥美若一收熟彼衆心增宜早除之
權乃親攻皖城諸將欲作土山添攻具呂蒙曰治
攻具及土山必歷日乃成城備既脩外救亦至不

可圖也且吾乘雨水以入若留經日水必向盡還道艱難蒙竊危之今觀此城不能甚固以二軍銳氣四面并攻不移時可拔及水以歸全勝之道也權從之蒙薦甘寧為升城督寧持練緣城蒙以精銳繼之手執枹鼓士卒皆騰踊侵晨進攻食時破之獲米光及男女數萬口權拜蒙為廬江太守還屯尋陽

諸葛亮留關羽守荊州與張飛趙雲將兵泝流克巴東破巴郡備入成都遷禪公安盡歸其財物佩

以振威將軍印綬以諸葛亮為軍師法正為蜀郡太守初備自新野南奔荆楚羣士從之如雲而劉巴獨北詣曹操諸葛亮以書招巴巴不從入蜀備深恨之及璋迎備巴諫曰備雄人也入必為害既入巴復諫曰若使備討張魯是放虎於山林也璋不聽巴閉門稱疾備攻成都令軍中曰有害巴者誅及三族及得巴甚喜以為西曹掾時軍用不足備以為憂劉巴請鑄直百錢平諸物價令吏為官市備從之數月之間府庫充實或欲以成都名由

宅分賜諸將趙雲曰霍去病以匈奴未滅無用家
為今國賊非但匈奴未可求安也須天下都定各
反桑梓歸耕本土乃其宜耳益州人民初罹兵革
田宅皆可歸還令安居復業乃可役調得其歡心
不宜奪之以私所愛也備從之備留霍峻守葭萌
城璋將向存帥萬餘人攻圍一年峻兵纔數百人
伺其怠隙選精銳出擊大破斬之備以為梓潼太
守

操至陽平攻張魯魯奔南山入巴中操入南鄭遣

入慰諭之主簿司馬懿言於操曰劉備以詐力虜
劉璋蜀人未附而遠爭江陵此機不可失也今克
漢中益州震動進兵臨之勢必瓦解聖人不能違
時亦不可失時也操曰人苦無足既得隴復望蜀
耶劉曄曰劉備人傑也有度而遲得蜀日淺蜀人
未附也今破漢中蜀人震恐其勢自傾因而壓之
無不克也若少緩之諸葛亮明於治國而為相關
羽張飛勇冠三軍而為將蜀民既定據險守要則
不可犯矣今不取必為後憂操不從居七日蜀降

者說蜀一丁日數十驚守將雖斬之而不能安也操謂擘曰今尚可擊不擘曰今已小定未可擊也乃還以夏侯淵督張郃徐晃等守漢中

曹操之征張魯也為教與合肥護軍薛悌署函邊日賊至乃發及是孫權率眾十萬圍合肥悌發函教曰若孫權至者張李將軍出戰樂將軍守護軍勿得與戰諸將以眾寡不敵疑之張遼曰公遠征在外比救至彼破我必矣是以教指及其未合逆擊之折其盛勢以安眾心然後可守也樂進等莫

對遼怒將獨出李典素與遼不睦慨然曰此國家大事顧君計何如耳吾豈敢以私憾而忘公義乎請從君而出於是夜募敢從之士明日陷陣衝壘入至麾下權大驚走撤軍還至逍遙津北遼將步騎奄至甘寧呂蒙力戰扞敵凌統率親近扶權出圍乘駿馬上津橋橋南已撤丈餘無版親近谷利使權出戰綏控於後着鞭遂得超度賀齊率二千人在津南迎權入船齊涕泣曰至尊人主常當持重今日之事羣下震怖若無天地願以此為終身

操未聞南亮即知必有得龍望蜀之言直是老姦却瞞不過法正亦瞞不通司

之誠權自前收其淚曰大慚謹已刻心非但書紳也

法正說劉備曰曹操一舉而降張魯定漢中不因此勢以圖巴蜀而留夏侯淵張郃屯守身遠北還此非其智不逮而力不足也必將內有憂喪故耳今策淵郃才略不勝國之將帥舉衆往討必可克之克之之日廣農積穀觀變伺隙上可以傾覆寇敵尊獎王室中可以蠶食雍涼廣拓境土下可以固守要害為持久之計此蓋天以與我時不可失

馬懿故懿亦不復言只礙殺劉

也備乃進兵遣張飛馬超吳蘭等屯下辨操遣曹洪拒之

魏夏侯淵戰雖數勝魏王操常戒之曰為將當有怯弱時不可但恃勇也將當以勇為本行之以智計若但任勇則一匹夫敵耳及與劉備相拒踰年備自陽平南渡沔水緣山稍前營於定軍山淵引兵爭之法正曰可擊矣備使討虜將軍黃忠乘高鼓譟攻之淵軍大敗遂斬之張郃引兵還督軍杜襲收斂卒推郃為軍主衆心乃定

操自長安出斜谷軍遮要以臨漢中劉備曰曹公雖來無能為也我必有漢川矣乃象拒險終不交鋒操運米北山下黃忠引兵欲取之過期不還趙雲將數十騎出營視之值操揚兵大出雲遂前突其陣且鬪且却魏兵散而復合追至營下雲入營開門偃旗息鼓魏兵疑雲有伏引去雲以勁弩射魏兵魏兵驚駭自相蹂踐墮水死者甚多相守積月魏軍士多亡五月操引兵還長安備遂有漢中操恐備北取武都氏以逼關中問雍州刺史張

既既曰可勸使北去就穀以避賊前至者厚其寵賞則先者知利後必慕之操從之徙氏五萬餘落出居扶風天水界

劉備令關羽鎮守專有荆上孫權命呂蒙西取長沙零桂三郡蒙移書二郡望風歸服惟零陵太守郝普城守不降而備自蜀親至公安遣羽爭三郡權時住陸口使魯肅萬人屯益陽拒羽而飛書召蒙使捨零陵急還助肅初蒙既定長沙當之零陵過鄱載南陽鄧元之元之者郝普之舊也欲令誘

晉及被書當還蒙秘之夜召諸將授以方略晨當
攻城顧謂元之曰郝子太聞世間有忠義事亦欲
爲之而不知時也左將軍在漢中爲夏侯淵所圍
關公在南郡今至尊身自臨之近者破樊本屯校
鄣逆爲孫規所破此皆目前之事君所親見也彼
方首尾倒垂救死不給豈有餘力復營此哉今吾
士卒精銳人思致命至尊遣兵相繼於道今子以
旦夕之命待不可望之救猶牛蹄中魚冀賴江漢
其不可恃明矣若子太必能一士卒之心保孤城

從容真
似讀書
人此阿
蒙乃真
讀書者
也

之守尚能稽延日夕以待所歸者可也今吾計力
度慮而以攻此曾不移日而城必破城破之後身
死何益於事而令百歲老母戴白受誅豈不痛哉
度此間不得外問謂援可恃故至於此耳君可見
之爲陳禍福元之見晉具宜蒙意普懼而聽之元
之先出報蒙普尋後當至蒙豫勅四將各選普人
普出便入守城門須臾普出蒙迎執其手與俱下
船語畢出書示之因拊手大笑普見書知備在公
安而羽在益陽慙恨入地蒙留孫河委以後事即

日引軍赴益陽

關羽使糜芳守江陵傅士仁守公安羽自率眾攻曹仁於樊使于禁龐德等屯樊北八月大霖雨漢中溢平地數丈禁與諸將登高避水羽乘大船遂攻之禁等窮迫遂降龐德力戰矢盡戰益怒氣益壯而水浸盛吏士盡降德乘小船欲還一官船覆爲羽所得立而不跪羽謂曰何不早降德罵羽曰殺之急攻樊城城多崩壞衆恟懼或曰可及圍未谷乘輕船夜走滿寵曰山水速疾冀其不久聞羽

遣別將已在邲下許以南百姓擾擾羽所以不遂進者恐吾軍犄其後耳今若遁去洪河以南非復國家有也君宜待之仁曰善乃沈白馬與軍盟誓同心固守城不沒者數板羽乘船臨城內外斷絕羽又遣別將圍襄陽刺史胡脩太守傅方皆降操聞龐德死流涕曰吾知于禁二十年何意臨危反不及龐德耶

操自許以南往往遙應關羽羽威振華夏曹操議徙許都以避其銳司馬懿蔣濟曰于禁等爲水所

沒非戰攻之失於國家大計未足有損劉備孫權
 外親內疎關羽得志權必不願也可遣人勸權
 其後許割江南以封權則樊圍自解操從之初魯
 肅常勸孫權以曹操尚存宜且撫輯關羽與之同
 仇不可失也及呂蒙代肅以為羽素驍雄有兼并
 之心且居國上流其勢難久密言於權曰今令征
 虜守南郡潘璋往白帝蔣欽將遊兵循江應敵蒙
 為國家前應襄陽如此何憂於操何賴於羽且羽
 君臣矜其詐力所在反覆不可以腹心待也權曰

罵者固
 多事即
 許亦無
 用權妹
 不歸備

今欲先取徐州然後取羽何如對曰今操撫集幽
 冀未暇東顧徐土往自可克然地勢陸通今日取
 之操後尋必來爭雖以七八萬人守之猶當懷憂
 不如取羽全據長江形勢益張易為守也權善之
 權嘗為其子求婚於羽羽罵其使不許至是蒙上
 疏曰羽討樊而多留備兵必恐蒙圖其後故也蒙
 常有病乞分士眾還建業以治疾為名羽聞之必
 撤備兵盡赴襄陽太軍浮江晝夜馳上襲其空虚
 則南郡可下而羽可擒矣遂稱病篤權乃露檄召

若陸遜
不爲此
言家將
薦誰

蒙還陰與圖計下至蕪湖陸遜謂曰關羽接境如
何遠下蒙曰誠如來言然我病篤遜曰羽務此進
未嫌於我今聞君病必益無備若出其不意羽可
擒也蒙至都權問誰可代卿者蒙對曰陸遜意思
深長才堪負重而未有遠名非羽所忌無復是過
也若用之當令外自韜隱內察形便然後可克權
乃召遜代蒙遜至陸口爲書與羽稱其功美深自
謙抑羽意大安稍撤兵以赴樊遜具啟形狀權遂
發兵襲羽欲令孫皎與蒙分督左右蒙曰若以征

名言

虜能宜用之以蒙能宜用蒙昔周瑜程普爲左右
督攻江陵事決於瑜普恃久將遂共不睦幾敗國
事此目前之戒也權悟乃以蒙爲大督曹操使徐
晃屯宛以助曹仁孫權爲賤與操請以討羽自効
及乞不漏令羽有備羣臣咸言宜密之董昭曰軍
事尚權宜內露之使羽聞權上而還自護則圍速
解且可使兩賊相持自待其敝秘而不露使權得
志非計之上也又圍中將吏不知有救儻有他意
爲難不少露之爲便且羽爲人強梁自恃一城守

武備志卷三十一 戰畧考 三國三 十五

妙在射
羽屯中
更似虛
聲益其
猶豫

固必不速退操即救徐晃以權書射著圍裏及羽屯中圍裏聞之志氣百倍羽果猶豫不能去操自雒陽南救曹仁駐軍摩坡晃攻羽破之羽撤圍退然舟船猶據污水呂蒙至潯陽盡伏其精兵艤艦中使白衣搖櫓作商賈服晝夜兼行羽所置江邊屯壘盡收縛之糜芳傅士仁素皆嫌羽輕已羽之出軍供給軍資不悉相及羽言還當治之芳仁咸懼於是即降蒙入江陵釋于禁得關羽及將士家屬皆撫慰之令軍中不得干歷人家有所求取蒙

麾下同郡人取民家一笠以覆官鎧蒙猶以為犯軍令垂涕斬之於是軍中震慄道不拾遺旦暮使親近存恤耆老問所不足給醫藥賜衣糧關羽走還曹仁會諸將議咸曰今因羽危懼可追擒也趙儼曰權羽連兵恐我承其兩疲故順辭求効耳今羽已孤迸更宜存之以為權害若深入追北則權將改虞於彼而生患於我矣王必以此為深慮仁乃解嚴操聞羽走恐諸將追之果疾救仁如儼所策羽數使入與蒙相聞蒙輒厚遇其使周遊城中

此時相
聞無謂

家家致問或手書示信使還人知家門無恙見待
過於平時皆無闕心從事樊仲誘導諸夷西附漢
中外白遣萬人討之外白外人潘濬曰以五千兵
往足矣權曰卿何以輕之濬曰仲能弄唇吻而實
無才略嘗為州人設饌比至日中食不可得而十
餘自起此亦侏儒觀一節之驗也權大笑即遣濬
將五千人行果斬平之權以蒙為南陽太守遜為
右護軍皆封侯使遜屯夷陵守峽口關羽遁走兵
皆解散纔千餘騎權先使潘璋斷其徑路十一月

獲羽斬之遂定荆州初全琮上疏陳關羽可取之
計權恐事泄寢而不答至是謂琮曰君前陳此孤
雖不相答今日之捷抑亦君之功也權復以劉璋
為益州牧駐秭歸未幾而卒呂蒙未及受封亦卒
曹操欲徙荆州殘民司馬懿曰荆楚輕脆易動關
羽新破諸為惡者藏竄觀望徙其善者既傷其意
將令去者不敢復還操從之是後亡者悉還俱漢
獻帝

帝耻關羽之沒將擊孫權將軍趙雲曰國賊曹操

非孫權也。若先滅魏，則權自服。今操雖斃，子丕篡盜，當因衆心，早圖關中，居河渭上流，以討凶逆。關東義士必裹糧策馬以迎王師，不應置魏先與吳戰。兵勢一交，不得卒解，非良策也。羣臣諫者甚衆，帝皆不聽。乃留諸葛亮輔太子守成都，而自率諸軍東下。帝自秣歸將進擊吳，黃權曰：「水軍沿流，進易退難。臣請先驅，以當寇。陛下宜爲後鎮。」帝不從。以權督江北諸軍，自率諸將自江南緣山截嶺，軍於夷道。猱亭吳將皆欲迎擊之。陸遜曰：「彼銳氣方

盛，乘高守險，難可卒攻。若有不利，損我大勢，非小故也。今且獎勵將士，以觀其變。彼勢不得展，自當罷於木石之間。徐制其敵耳。」諸將皆以爲怯。帝遂自狼山通武陵，使馬良以金錦賜五谿諸蠻夷，授以官爵。帝自巫峽建平連營，至夷陵界，立數十屯。自正月與吳相拒，至六月不決。遣吳班將數千人於平地立營，吳將帥欲擊之。陸遜曰：「此必有譎。且觀之。」帝之計不得行，乃引伏兵八千，從谷中出。遜曰：「所以不聽諸君擊之者，以此故也。」遂上疏，吳王

權曰夷陵國之關限失之則荊州可憂臣初嫌彼水陸俱進今反捨船就步處處結營察其布置必無他變矣遂將進攻漢軍諸將曰攻當在初今諸要害皆已固守擊之必無利遂曰彼更事多其軍始集思慮精專未可干也今任既久不得我便兵疲意沮計不復生犄角此軍正在今日乃先攻一營不利遂曰吾已曉破之之術乃敕各持一把茅以火攻拔之遂率諸軍同時俱攻破四十餘營帝升馬鞍山陳兵自繞遂促兵四面蹙之士崩瓦解

為遜所困不足為耻為不所笑耳其可耻

死者萬數帝夜遁僅得入白帝城舟械軍資略盡帝大慙恚曰吾乃為陸遜所折辱豈非天耶帝在白帝吳徐盛等表請再攻之吳主以問陸遜遂曰曹丕大合士眾外託助國內實有姦心謹決計輒還初魏主丕聞漢兵樹柵連營七百餘里謂羣臣曰彼不曉兵豈有七百餘里營可拒敵乎苞原臨險阻而為軍者為敵所擒此兵忌也孫權上事今至矣七日吳破漢書到曹仁以步騎數萬向須濡朱桓兵纔五千入諸將

戰史考 三國三 一七

皆懼桓曰勝負在將不在衆寡兵法稱客倍而主人半者謂俱在平原而士卒勇怯等耳今仁非智勇士卒甚怯千里步涉人馬罷困桓與諸君共據高城臨江背山以逸待勞以主制客此百戰百勝之勢雖曹丕自來尚不足憂况仁等耶乃偃息旗鼓示弱以誘之仁遣其子泰攻濡須城分遣常雕王雙等襲中洲中洲者桓部曲妻子所在也桓遣別將擊雕等而身自拒泰泰燒退桓遂斬雕虜雙初呂蒙病篤吳主權問曰卿如不起誰可代者蒙

曰朱然膽守有餘可任也蒙卒權使然鎮江陵及曹真等圍之中外斷絕城中兵多腫病堪戰纔五千入真等起土山鑿地道弓矢雨注將士皆失色然無恐意方勵兵伺間攻破魏兩屯時江水淺陔夏侯尚欲乘船將步騎入渚中安屯作浮橋南北往來議者多以爲城不可拔董昭上疏曰今屯渚中至深也浮橋而濟至危也下道而行至隘也二者兵家所忌而今行之恐渚中精銳將轉而爲吳矣加江水向長下日暴增何以防禦魏主不卽詔

尚等促出吳人兩頭並前魏兵一道引去僅而復
 濟吳已作荻筏欲燒橋尚退而止後旬日江水大
 漲不謂昭曰君論此事何其審也會大疫不悉召
 諸軍還洛陽初不問賈詡曰吾欲伐不從命以一
 天下吳蜀何先對曰劉備有雄才諸葛亮善治國
 孫權識虛實陸遜見兵勢據險守要汎舟江湖皆
 難卒謀也用兵之道先勝後戰量敵論將故舉無
 遺策今羣臣無備權對雖以天威臨之未見萬全
 之勢也不不納軍竟無功俱後漢昭烈

正謂本
 非帝
 敵耳

武備志卷
 二十七

武備志卷二十八

防風茅元儀輯

戰略考

三國 四終

諸葛亮討南夷所在戰捷由越雋入斬雍闓等孟
 獲素為夷漢所服收餘眾拒亮亮募生致之既得
 使觀於營陳獲曰向者不知虛實故敗今祇如此
 即易勝耳乃縱使更戰七縱七擒而亮猶遣獲獲
 止不去曰公天威也南人不復反矣遂入滇池益

不如此
 不得永
 逸

州永昌牂牁越雋四郡皆平亮即其渠率而用之或以諫亮亮曰留外人則當留兵兵留則無食一不易也夷新傷破父兄死喪留外人而無兵必成禍患二不易也夷人累有廢殺之罪自嫌釁重留外人終不相信三不易也今吾欲使不留兵不運糧而綱紀粗定夷漢粗安故耳於是悉收其俊傑孟獲等以為官屬出其金銀丹漆耕牛戰馬以給軍國之用終亮之世夷不復反

吳主權聞魏喪自將攻江夏太守文聘堅守魏朝

議欲發兵救之魏主叡曰權習水戰今敢陸攻者冀掩不備也已與聘相拒攻守勢倍終不敢久未幾果退

亮率諸軍北駐漢中魏主叡聞亮在漢中欲大發兵攻之以問孫資資曰昔武皇取張魯危而後濟數言南鄭直為天獄中斜谷道為五百里石穴今若進軍南鄭道既險阻計用精兵及轉運鎮守南方過禦水戰凡十五六萬人必當更有所興天下騷動此宜深慮不若但以見兵分命大將據諸要

此言深有味習

者不可
不思

險亦足以鎮靜疆場百姓無事數年之間中國日
盛吳蜀必自散矣乃止

不知慮
解時已
省許多
日子矣

魏孟達初為文帝所寵至是心自不安數與諸葛
亮通書陰謀歸蜀魏興太守申儀密表告之達惶
懼欲叛時司馬懿鎮宛以書慰解之潛軍進討初
達與亮書曰宛去洛八百里去吳一千二百里聞
吾舉事當表上比相反覆一月間也則吾城已固
諸軍足辦吾所在深險司馬公必不來諸將無足
慮者懿倍道兼行八日而兵至城下擒達

此着利
害較然
而此不
過五千
士耳何
逐以危
而不從

魏以夏侯淵子楸都督關中丞相亮將伐魏六羣
下謀之司馬懿延曰楸主壻也怯而無謀今假延
精兵五千負糧五千直從褒中出循秦嶺而東當
子午而北不過十日可到長安楸聞延奄至必棄
城走橫門邸閣與散民之穀足周食也比東方合
聚尚二十許日而公從斜谷來亦足以達如此則
一舉而咸陽以西可定矣亮以此為危計不如安
從坦道可以平取隴右十全必克而無虞故不用
延計揚聲由斜谷取郿使將軍趙雲鄧芝為疑軍

聞妙在無

據箕谷魏使曹真督諸軍守郿以拒之亮乃率本
軍攻祈山戎陣整齊號令明肅始魏以昭烈既崩
數歲寂然無聞是以略無備豫而卒聞亮出朝野
恐懼於是天水南安安定皆舉軍應亮關中響震
魏主獻如長安使右將軍張郃率步騎五萬拒之
亮使參軍馬謖督諸軍與郃戰於街亭謖違亮節
度舉措煩擾舍水上山不下據城郃絕其汲道擊
大破之亮乃拔西縣千餘家還漢中初亮以謖才
術過人深加器異昭烈臨終謂曰謖言過其實不

可大用君其察之亮未以為然引設參軍每與
談論自晝達夜至是乃收殺之而流涕臨祭撫其
遺孤蔣琬謂亮曰昔楚殺得臣而文公喜今天下
未定而戮智計之士豈不惜乎亮流涕曰孫武所
以能制勝於天下者用法明也今四海分裂兵交
方始若復廢法何用討賊耶先是裨將軍王平連
諫謬謬不能用及敗衆散惟平所領千餘人鳴鼓
自守張郃疑其有伏不敢逼於是平徐徐收合諸
營散兵以還亮拜平參軍進位封侯請自貶三等

詔以右將軍行丞相事

十二月亮引兵數萬出散關圍陳倉不克使人說
 郝昭不下昭兵纜千餘人亮進攻之起雲梯衝車
 臨城昭以火箭逆射其梯人皆燒死昭又以繩連
 石磨壓其衝車衝車折亮乃更為井闌百尺以射
 城中以土丸填塹欲直攀城昭又於內築重牆亮
 又為地穴欲踴出於城裏昭又於城內穿地橫截
 之晝夜相攻拒二十餘日魏遣張郃救之未至亮
 糧盡引還將軍王雙追亮亮擊斬之

無名之
 士遂能
 困亮天
 下人不
 可量如
 此

魏征東將軍滿寵聞吳欲攻合肥表請召兵吳尋
 退還寵以為賊大舉而還非其本意此必欲偽退
 以罷吾兵而倒還乘虛掩不備也遂表不罷兵後
 十餘日吳果來攻不克而還

魏遣司馬懿屯長安督將軍張郃郭淮等以禦漢
 懿留精兵四千守上邽餘眾悉救祈山張郃欲分
 兵駐雍郃懿曰料前軍能獨當之者將軍言是也
 若不能當而分為前後此楚之三軍所以為黥布
 禽也遂進亮分兵攻祈山自逆懿於上邽魏將郭

淮等徵亮亮破之因大芟其麥與懿遇于上邳之東懿斂軍依險兵不得交亮引還懿躡其後至於鹵城又登山掘營不肯戰賈詡魏平數請戰曰公畏蜀如虎奈天下笑何懿病之乃使張郃攻南圍自按中道向亮亮使魏延等逆戰魏兵大敗懿還保營亮以糧盡退軍懿遣郃追之至木门與亮戰中伏登而卒

吳主權遣中郎將孫布詐降於魏以誘揚州刺史王凌伏兵阜陵以俟之凌騰布書請兵迎之征袁將軍浦寵以為必詐不與兵而為凌作報書曰知欲避禍就順甚相嘉尚今欲遣兵相迎然少則不足相衛多則事必遠聞且先密許以成本志臨時節度其宜會寵被書入朝又勅留府勿與兵凌索兵不得乃單遣一督將步騎七百人往迎之布夜掩擊死傷過半先是凌表寵年過耽酒不可居方任魏主獻欲召寵還給事中郭謀曰寵有勳方岳二十餘年及鎮淮南吳人憚之若不如所表將為所窺可令還朝問東方事以察之獻從之至是體

氣康強乃慰勞遣還

吳陸遜兵向廬江魏人以為宜速救之蒲籠曰廬江雖小將勁兵精守足經時况賊舍船二百里來後尾空絕不來尚欲誘至今宜聽其遂進但恐走不可及耳乃整軍趨楊宜口吳人聞之夜遁時吳人歲有北計寵上疏曰合肥城南臨江湖北遠壽春賊來攻圍必據水為勢官兵救之當先破賊然後圍解賊往甚易救之甚難然其西三十里有奇險可依更宜立城徙見兵以固守此為引賊平地

而簡其歸路於計為便蔣濟以為如此既示天下以弱且望賊烟而復壞城此為未攻而自拔一至於此切略無限必以淮北為守矣魏主叡疑之寵重表曰孫子言兵者詭道也故能而示之不能形實不必相應也又曰善動敵者形之今賊未至而移城却內引賊遠水擇利而動所謂形而誘之也尚書趙咨以寵策為長乃報聽之

吳主權出兵欲圍新城以其遠承積二十餘日不敢下船蒲籠謂諸將曰孫權得吾移城必於眾中

有自大之言今來雖不敢至必當上岸擢兵以示
有餘乃潛遣步騎六千伏肥水隱處權果上岸伏
軍卒起擊之斬首數百或有赴水死者

丞相亮至郿軍于渭水之南司馬懿引軍渡渭背
水爲壘以拒之謂諸將曰亮若出武功依山而東
誠爲可憂若西止五丈原無能爲也郭淮曰亮若
跨渭登原連兵北山隔絕隴道搖蕩民夷非國之
利也懿乃使淮先據北原塹壘未成漢兵大至淮
逆擊却之亮以前者數出皆以運糧不繼使已志

不伸乃分兵屯田爲久駐之基耕者雜於渭濱居
民之間而百姓安堵軍無犯焉

吳主權入居巢湖口向合肥新城衆號十萬又遣
陸遜諸葛瑾入江夏沔口向襄陽孫韶張承入淮
向廣陵淮陰魏滿寵欲率兵救新城將軍田豫曰
賊欲資新城以致大軍耳宜聽使攻城挫其銳氣
俟其疲怠然後擊之可大克也若便進兵適入其
計矣散騎常侍劉劭曰可先遣步騎數千揚聲進
道引出賊後擬其歸路要其糧道賊必惶怖遁走

不戰自屈矣寵又欲拔新城守致賊壽春魏主敵
不聽曰先帝東置合肥南守襄陽西固祈山賊來
輒破於三城之下者地有所必爭也縱權至新城
必不能拔勅諸將堅守吾將自往攻之比至度權
已走矣乃使秦朗督步騎二萬助司馬懿拒漢勅
懿但堅守以挫其鋒彼進不得志退無與戰久停
則糧盡虜略無所獲則必走走而追之全勝之道
也乃御龍舟而東滿寵募士焚吳攻具吳吏士多
病又聞敵至遂退陸遜遣人奉表於權為魏邏者

魏家三代知兵
怪哉明帝又勝其父

所得諸葛瑾聞之甚懼與遜書速其去遜未答左
催人種封豆與諸將奕碁射戲如常瑾來見遜遜
曰今兵將意動且當自定以安之施設變術然後
出耳今若便退賊謂吾怖而來相感必敗之勢也
乃密與瑾立計令瑾督舟船遜悉兵上馬以向襄
陽城魏人素憚遜名遽還赴城瑾便引船出遜徐
整部伍張拓聲勢步赴船魏人不敢逼行到白圍
託言往獵遣周峻等擊江夏新市安陸石陽斬獲
千餘人而還

亮懿相持久亮數挑戰懿不出乃遣以巾幘婦人
之服懿怒上表請戰魏主叡使衛尉辛毗仗節爲
軍師以制之姜維謂亮曰賊不復出矣亮曰何也
對曰彼本無戰情所以固請者以示武於衆耳將
在軍君命有所不受苟能制吾豈千里而請戰耶
亮遣使者至懿軍懿問其寢食及事之煩簡而不
及戎事使者曰諸葛夙興夜寐罰二十已上皆親
覽焉所噉食不至數升懿告人曰孔明食少事煩
其能久乎八月薨長史楊儀整軍而出百姓奔告

懿懿追之姜維令儀反旗鳴鼓若將向懿者懿不
敢逼於是儀結陳而去關中多瘴藜懿使軍士二
千人着軟材平底木履前行瘴藜悉著履然後馬
步俱進追到赤岸乃知亮死

魏主叡召司馬懿於長安使將兵四萬討遼東議
者或以爲兵多難供叡曰四千里征伐雖云任奇
亦當任力不當計役費也因謂懿曰公孫淵將何
計以待君對曰棄城預走上計也據遼東拒大軍
其次也坐守襄平此成禽耳曰二者何出對曰惟

武備志卷二十八
明智能審量彼我乃豫有所割棄此非淵所及必
先拒遼東後守襄平也曰還往幾日對曰往百日
攻百日還百日以六十日爲休息如此一年足矣
六月司馬懿軍至遼東公孫淵使其將卑衍等將
步騎數萬屯遼隧圍塹二十餘里諸將欲擊之懿
曰此欲以老吾兵也攻之正墮其計且賊大衆在
北其窠窟空虛直指襄平破之必矣乃多張旗幟
欲出其南衍等盡銳趣之懿潛濟水出其北直趣
襄平衍等恐引兵夜走諸軍進至首山淵復使衍

等逆戰懿擊破之遂進圍襄平秋大霖雨遼水暴
漲運船自遼口徑至城下兩月餘不止平地水數
尺三軍恐欲移營懿令軍中敢有言徙者斬都督
令史犯令斬之軍中乃定賊恃水樵牧自若諸將
欲取之懿皆不聽司馬陳珪曰昔攻上庸入部並
進晝夜不息故能旬之半拔堅城斬孟達今日
者遠來而更安緩愚竊惑焉懿曰達衆少而食支
一年我軍四倍於達而糧不掩月以一月圖一年
安可不速以四擊一正令失半而克猶爲之是以

四千里
伐人而
反飽于
城中其
時餽運
可想

不計死傷與糧競也今賊眾我寡賊餓我飽水雨
乃爾功力不設雖當促之亦何所為自發京師不
憂賊攻但恐賊走今賊糧垂盡而圍落未合掠其
牛馬抄其樵採此故驅之走也夫兵者詭道善因
事變賊馮眾恃雨故雖饑困未肯束手當示無能
以安之取小利以驚之非計也朝廷聞師遇雨咸
欲罷兵魏王叡曰懿臨危制變禽淵可計日待也
兩霽懿乃合圍作土山地道楯櫓鈞衝晝夜攻之
矢石如雨端窘急糧盡人相食八月使其相王建

柳甫請解圍却兵當君臣面縛懿命斬之檄告淵
曰楚鄭列國鄭伯猶肉袒牽羊迎之孤天子上下
而建等欲使退舍豈得禮耶二人老耄傳言失
已相為斬之若意有未已可更遣年少有明決
來淵復遣待中衛演乞克日送在懿謂演曰軍
大要有五能戰當戰不能戰當守不能守當走餘
二事惟降與死耳汝不肯面縛此為決就死矣不
須送任既而城潰淵將數百騎突圍走懿擊斬之
遂入城誅其公卿以下及兵民七千餘人築為京

武備志卷二十八 戰略考 三國四 十一

觀

魏欲廣田畜穀于楊豫之間使尚書郎鄧艾行陳項已東至壽春艾以為太祖破黃巾因為屯田積穀許都以制四方今三隅已定事在淮南每大軍出征運兵過半功費巨億陳蔡之間上下田良可省許昌左右稻田并水東下令淮北屯二萬人淮南三萬人什二分休常有四萬人且田且守益開河渠以增灌溉通漕運計除衆費歲完五百萬斛六七年間可積三千萬斛於淮上此則十萬之衆

古今屯田多種未有甚於此者

亦以美垣肥耳

夏侯與曹本一姻婭

五年食也以此乘吳無不克矣司馬懿善之是歲始開廣漕渠每東南有事大軍泛舟速於江淮資食有儲而無水害魏征西將軍夏侯玄曹爽姑子也辟李勝為長史勝及鄧颺欲爽立威名于天下勸使伐蜀司馬懿止之不得三月爽至長安發卒十餘萬與玄自駱谷入漢中漢中守兵不滿二萬諸將皆恐欲守城不出以待涪兵王平曰此去涪垂千里賊若得關便為深禍遂遣護軍劉敏據興執多張旗幟彌亘

百餘里不絕帝遣費禕救漢中將行光祿大夫來
敏詣禕別求共圍寨時羽檄交至人馬環甲嚴駕
已訖禕與對戲了無倦色敏日向聊觀試君耳君
信可人必能辦賊也

姜維攻魏雍州依麴山築一城使句安李欽守之
聚羌胡質任侵逼諸郡魏郭淮使刺史陳泰進兵
圍之斷其運道及城外流水將士窘困分糧聚雪
以引日月維引兵救之出自牛頭山與泰相對泰
勅諸軍各堅壘勿與戰遣使白淮使趣牛頭截其

下必人
潛而自

還路淮從之進軍兆水維懼遁走安等降魏
魏江夏太守逮式兼領兵馬頗為邊害而與北舊
將文聘子休宿不叶陸遜聞其然即假作各式書
云得報懇知與休久結嫌隙勢不兩存欲來歸附
輒以密呈來書表聞撰表相迎宜潛速嚴更示定
期以書置界上式兵得書以見式式惶懼遂送妻
子還洛由是吏士不親附遂以免罪
魏王昶言孫權流放良臣嫡庶分爭可乘機擊之
司馬懿遣新城太守陳泰襲其柁歸荊州刺史王

基向夷陵，祖向江陵，祖引竹組爲橋，度水擊吳軍。吳將施績夜遁，入江陵。祖欲引至平地與戰，乃先遣五軍案大道發還，使吳望見而喜。又以所獲鎧馬甲環城，以怒之，而設伏兵以待之。績果來，追祖與戰，大破之，斬其二將。王基、陳泰亦破吳兵，降數千口。

魏王凌遣將軍楊弘以廢立事告兖州刺史黃華。華私連名以白司馬懿。懿將中軍乘水道討凌，先下赦，赦凌罪，又爲書諭凌已而太軍掩至，百尺凌

勢窮，面縛，水次懿解其縛，送詣京師，道飲藥死。初，吳大帝築東興隄以遏巢湖，後攻魏淮南，敗於內，船遂廢不治。至是，諸葛恪更作大隄，左右結山夾兩城，各留千人，使全端、劉略守之。魏諸葛誕言於司馬師曰：「今因吳內侵，使文舒逼江陵，仲恭向武昌，以羈吳之上流，然後簡精卒攻其兩城，可大獲也。」是時征南王昶征東胡，遵鎮南毋丘儉各獻征吳之策，詔以問尚書傅嘏。嘏曰：「吳爲寇六十年，君臣相保，吉凶同患，設令列船津要，則彼堅城據

險橫行之計其殆難捷今邊城之守與戰相遠羅
洛重密間諜不行而舉大衆臨巨險以徼功先戰
而後求勝非長策也惟有進軍大佃策差完牢可
詔祖遵等擇地居險三方並進奪其肥壤使還瘠
地一也兵出民表寇抄不犯二也招懷近路降附
日至三也羅洛遠設間諜不來四也賊退則守仰
作易立五也坐食積穀士不運輸六也釁隙時聞
討襲速決七也凡此七者軍士之急務也不進據
則賊擅便資據之則利歸於國不可不察也師不

從詔相等二道起兵祖攻南郡儉向武昌遵誣攻
東興各將兵四萬恪救東興遵等作浮橋以度陳
於隄上分兵攻兩城城高峻不可拔恪使將軍丁
奉與呂據爲前部從山西上奉曰諸君行緩若賊
據便地則難與爭鋒我請趨之乃辟諸軍使下道
自率麾下三千人徑進舉帆二日至東關遂據徐
塘時天雪寒遵方置酒高會奉見其前部兵少使
兵皆解鎧去矛戟但兜鍪刀盾偃身緣塘魏人望
見大笑之不卽嚴兵吳兵得上便鼓噪斫破其前

屯據等繼至魏軍驚擾散走爭渡橋壞相蹈籍溺死者數萬吳獲車乘牛馬驢騾各以千數資器山積振旅而歸祖儉聞東軍敗各燒屯走朝廷欲貶諸將師曰此我不聽公休過也諸葛誕之字也師未出軍曾諫伐吳諸將何罪悉宥之惟削其弟昭爵而已後雍州刺史陳泰求救并州討胡未集而雁門新興以遠役驚反師又曰此我過也非陳雍州之策是以人皆愧悅

吳諸葛恪入淮南或曰宜圍新城俟救至而圖之可大獲也恪從其計魏司馬師問於虞松曰今二方皆急而諸將意沮若之何松曰昔周亞夫堅壁昌邑而吳楚自敗事有似弱而强者不可不察也今恪悉其銳衆足以肆暴而坐守新城欲以致一戰耳若攻城不拔請戰不可師老衆疲勢將自遁諸將之不進乃公之利也姜維投食於麥非深根之寇且謂我并力於東是以徑進今若使關中諸軍倍道急赴出其不意殆將走矣師曰善乃使郭淮陳泰解狄道之圍勅母丘儉等案兵自守以新

其言闊
疎難以
欺人吳
人何太
愚也

城委吳泰至洛門維果以糧盡引還魏揚州牙門
將張特守新城吳人攻之連月城中兵合三千人
疾病戰死者過半而恪起土山急攻城將陷特謂
吳人曰今我無心復戰也然魏法被攻過百日而
救不至者雖降家不坐自受敵以來已九十餘日
矣城雖陷尚有不欲降者我當還為相語條別善
惡明早送名且以我印綬去為信吳人聽之特乃
夜徹諸屋材柵補其闕為二重明日謂曰我但有
關死耳吳人大怒進攻之不能拔會大暑吳軍病

者大半死傷塗地恪內惟失計忿形於色將軍朱
異以軍事忤恪恪奪其兵都尉蔡林數陳計不用
策馬奔魏魏諸將伺知其兵已疲乃進救兵七月
恪引去士卒傷病流曳頓仆嗟呼而恪晏然自若
詔召相銜徐乃旋師由是眾庶失望而怨譴興矣
汝南太守鄧艾言於司馬師曰孫權已沒大臣未
附恪不念撫恤上下以立根基乃競於外事載禍
而歸其亡可待也

魏文欽以驍果見愛於曹爽而母丘儉素與夏侯

西傳志卷三十八
玄李豐善至是皆不自安儉乃以計厚待欽儉子
旬謂儉曰太人居方岳重任國家傾覆而晏然自
守將受四海之責矣於是儉矯太后詔起兵壽春
移檄州郡以討司馬師又遣使邀鎮南將軍諸葛
誕誕斬其使儉將兵五六萬衆渡淮至項堅守使
欽在外爲遊兵師問計於河南尹王肅肅曰昔關
羽有北向爭天下之志孫權襲取之其將士家在
內州但急往禦衛使不得前必有土崩之勢矣時
師新割目瘤創甚或謂不宜自行肅又與尚書傅

嘏中書侍郎鍾會勸師自行師疑未決嘏曰淮楚
兵勁其鋒未易當若諸將戰有利鈍則公事敗矣
師蹶然起曰我請興疾而東以弟昭兼中領軍留
鎮洛陽師又問計於光祿勳鄭袤袤曰儉好謀而
不達事情欽勇而無算今大軍出其不意江淮之
卒銳而不能固宜深溝高壘以挫其氣此亞夫之
長策也荊州刺史王基言於師曰淮南之逆非東
民思亂也畏儉等迫脅是以屯聚若大兵一臨瓦
解必矣師從之以基爲前軍旣復勅基停駐基曰

格言

持重非不行之謂也進而不可犯耳今以積實資

與王蕭同意

儉等詐謀已露衆心疑沮不張示威形以副民望而停軍高壘有似畏懦非用兵之勢也若儉欽略民以自益而州郡兵家爲賊所得者更懷離心此爲措兵無用之地而成姦先之源吳寇因之則淮南非國家之有矣軍宜速據南頓南頓有大邸閣計之四十餘日糧保堅城因積穀先人有奪人之心此平賊之要也師聽之進據灑水閘月次灑橋基復曰兵聞拙速未覩巧久議者多言將軍持重

此說亦是

虜而遠軍糧甚非計也師猶未決基曰將在軍君令有所不受彼得則利我得亦利是謂爭地南頓是也遂輒進據之儉等亦往爭聞基先到乃還吳孫峻率兵襲壽春師命諸軍深壁以待東軍之集基請進攻項師曰淮南將上本無反志儉欽欺誘與之舉事少與持久詐情自露將不戰而克矣乃遣諸葛誕自安風向壽春胡遵出譙宋絕其歸路儉欽進不得闕退恐壽春見襲計窮不知所爲將士家皆在北降者相屬兗州刺史鄧艾將萬餘人

武備志卷二十一
趨樂嘉城，儉使欽襲之。師自汝陽潛兵就艾，欽猝遇之，未知所爲。其子騫年十八，勇力絕人，謂之曰：「及其未定，擊之可破也。」於是分爲二隊，夜夾攻之。騫率壯士先至，鼓噪軍中，震擾師驚駭，病目突出，恐衆知之，齧被皆破。欽失期，不應會，明騫見兵盛，乃還。欽引而東，騫以匹馬拒追騎數千，所向披靡，人莫敢逼。殿中人尹大目，故曹氏家奴，從師行，知師日出啓，云：「欽本明公腹心，素與大目相信，乞爲公追解之。」乃乘馬追欽，謂曰：「君侯何苦不可復忍？」

數日中，也欽殊不信，乃更怒罵，欲射之。大目涕泣曰：「世事敗矣，善自努力。儉聞欽退，恐懼夜走壽春，亦潰。孫峻進至橐臯，欽以孤軍無繼，不能自立，遂誼峻降，儉走慎縣，人就殺之。」

姜維復議出軍征西，大將軍張翼廷爭以爲國小民勞，不宜黷武，不聽。維遂將數萬人至，抱罕、魏、雍州刺史王經與戰於洮西，大敗，死者萬計。還保狄道，城翼謂維曰：「可以止矣。」進或毀此大功爲蛇畫足。維大怒，遂圍狄道。魏詔鄧艾行安西，將軍與征

西將軍陳泰并力拒維泰進軍隴西諸將皆曰王
經新敗蜀衆太盛今以烏合之卒當之殆必不可
不如據險自保觀釁待敵此計之得也泰曰維輕
兵深入正欲與我爭鋒原野求一戰之利當高壁
深壘挫其銳氣今乃與戰使賊得計經既破走維
若以戰克之威進兵東向據櫟陽積穀之實招納
羌胡東爭關隴傳檄四郡此我之所惡也今乃以
乘勝之兵挫峻城之下攻守勢殊客主不同吾乘
高據勢臨其項領不戰必走矣遂進軍潛行夜至

大臣憂
國常如
此矣

狄道東南高山上多舉烽火鳴鼓角維不意救兵
卒至急攻不克乃遁而還泰每以一方有事輒以
虛聲擾動天下故希簡上事驛書不過六百里太
將軍昭曰陳征西沈勇能斷救將陷之城而不求
益兵大將不當爾耶

姜維自狄道還駐鍾提魏人以其力竭未能更出
安西將軍鄧艾曰彼有乘勝之勢我有虛弱之實
一也彼上下相習我將易兵新一也彼以船行我
以陸軍三也狄道隴西南安祈山各當有守彼專

爲一我分爲四四也彼從南安因食羌胡穀若趨
祈山熟麥千頃五也賊有黠計其來必矣秋維復
出祈山聞艾有備乃回趣南安艾與戰于段谷大
破之死者甚衆

諸葛誕殺揚州刺史樂琳斂屯田兵十餘萬及新
附四五萬人聚穀足二年食爲閉門自守計遣長
史吳綱將小子親至吳稱臣請救司馬昭奉魏主
髦及太后討之吳使將軍全懌全端唐次等與文
欽同救誕六月昭督諸軍二十六萬進屯丘頭使

將軍王基陳騫圍壽春圍未合懌等將衆因山乘
險突入城昭勅基斂軍堅壁基屢求進討會吳朱
異率三萬人屯安豐爲欽外勢詔基轉據北山基
曰今圍壘轉固兵馬向集當修守備以待越逸而
更移兵守險使得放縱雖有智者不能善其後矣
遂守便宜上疏報聽於是四面合圍斬壘甚峻擊
欽異皆破走之秋吳孫綝大發卒出屯護里復遣
異等解壽春之圍魏人又擊破之異走歸綝綝使
異更往異以卒乏食不從綝怒斬異而還綝既不

能拔_レ出_レ誕_レ而喪_レ敗_レ士衆自戮_レ名將吳人咸怨_レ昭乃
縱_レ反_レ間_レ言_レ救_レ方_レ至_レ大軍乏_レ食勢不能_レ久誕益寬_レ恣
食_レ俄而乏_レ糧外_レ救不至_レ蔣班焦_レ彘誕謀_レ主也言_レ於
誕曰_レ宜_レ及_レ衆心尚_レ固并_レ力_レ決_レ死_レ攻_レ其_レ一_レ面猶有_レ可
全_レ坐_レ守_レ死_レ無_レ爲_レ也誕不_レ聽_レ欲_レ殺_レ之班彘踰_レ城出_レ降
全_レ懌_レ兄_レ子_レ輝_レ等_レ得_レ罪_レ於_レ吳_レ奔_レ魏_レ司_レ馬_レ昭_レ作_レ輝_レ書_レ告_レ
懌_レ等_レ說_レ吳_レ因_レ懌_レ等_レ不能_レ拔_レ壽_レ春_レ城_レ欲_レ盡_レ誅_レ諸_レ將_レ家
故_レ逃_レ來_レ歸_レ命_レ懌_レ等_レ遂_レ帥_レ其_レ衆_レ出_レ降_レ文_レ欽_レ教_レ諸_レ葛_レ誕
決_レ圍_レ而_レ出_レ不_レ克_レ復_レ還_レ城_レ中_レ食_レ盡_レ降_レ者_レ日_レ衆_レ欽_レ欲_レ盡

出_レ北_レ方_レ人_レ省_レ食_レ與_レ吳_レ人_レ堅_レ守_レ誕不_レ聽_レ由_レ是_レ爭_レ恨_レ遂_レ
殺_レ欽_レ欽_レ子_レ騫_レ踰_レ城_レ自_レ歸_レ于_レ魏_レ軍_レ吏_レ請_レ誅_レ之_レ司_レ馬_レ昭_レ
曰_レ欽_レ子_レ固_レ應_レ就_レ戮_レ然_レ今_レ以_レ窮_レ來_レ歸_レ且_レ城_レ未_レ拔_レ殺_レ之_レ
是_レ堅_レ城_レ內_レ之_レ心_レ也_レ乃_レ使_レ將_レ數_レ百_レ騎_レ巡_レ城_レ呼_レ曰_レ文_レ欽_レ
之_レ子_レ猶_レ不_レ見_レ殺_レ其_レ餘_レ何_レ懼_レ又_レ表_レ爲_レ將_レ軍_レ賜_レ爵_レ關_レ內_レ
侯_レ城_レ中_レ皆_レ喜_レ昭_レ因_レ進_レ軍_レ克_レ之_レ斬_レ誕_レ夷_レ三_レ族_レ昭_レ初_レ圍_レ
壽_レ春_レ王_レ基_レ等_レ欲_レ急_レ攻_レ之_レ昭_レ曰_レ城_レ固_レ衆_レ多_レ攻_レ之_レ必_レ力_レ
屈_レ若_レ有_レ外_レ寇_レ表_レ裏_レ受_レ敵_レ此_レ危_レ道_レ也_レ今_レ三_レ叛_レ相_レ聚_レ于_レ
孤_レ城_レ之_レ中_レ天_レ其_レ或_レ者_レ使_レ同_レ就_レ戮_レ吾_レ當_レ以_レ全_レ策_レ縻_レ之_レ

但堅守三面若吳賊陸道而來軍糧必少吾以輕騎絕其轉輸可不戰而破也吳賊破欽等必成禽矣乃命諸軍按甲以守之卒不煩攻而破議者又以淮南仍叛吳兵家在江南宜悉坑之昭曰古之用兵全國為上戮其元惡而已吳兵得亡還適可示中國之大度耳一無所殺分布三河近郡安處之昭欲遣諸軍因襲擊吳王基諫曰昔諸葛恪乘東關之勝以圍新城眾死大半姜維因洮西之利輕兵深入軍覆上邽夫太捷之後上下輕敵則慮

昭能為此言帝之可也

難不深今賊新敗於外又內患未彌是修備設慮之時也昭乃止以基為征東將軍都督揚州諸軍事

魏司馬昭患姜維數北伐官騎路遺求為刺客入蜀從事中郎荀勗曰明公為天下宰宜仗正義以伐違貳而以刺客除賊非所以刑於四海也昭善之遂欲大舉伐漢朝臣多以為不可獨鍾會勸之昭諭眾曰自定壽春以來息役六年治兵繕甲以擬一虜今吳地廣大而下濕攻之用兵差難不如

先定巴蜀三年之後因順流之勢水陸並進此滅
虢取虞之勢也計蜀戰士九萬居守城都及備他
境不下四萬然則餘衆不過五萬今絆姜維於沓
中使不得東顧直指駱谷出其空虛之地以襲漢
中以劉禪之闇而邊地外破士女內震其亡可知
也乃以會為鎮西將軍督關中鄧艾以蜀未有釁
屢陳異議昭使入諭之艾乃奉命姜維表遣左右
車騎張翼廖化督諸軍分護陽安關口及陰平之
橋頭以防未然黃皓信巫鬼謂敵終不自致啓帝

寢其事羣臣莫知

魏鄧艾進至陰平欲與諸葛緒自江油趨成都緒
以西行非奉詔遂引兵與鍾會合會欲專軍勢密
白緒畏懦不進檻車徵還軍采屬會姜維列營守
險會攻之不能克糧道險遠軍食乏欲引還艾上
言賊已摧折宜遂乘之若從陰平由邪徑經漢德
陽亭趨涪出劍閣西百里去成都三百餘里奇兵
衝其腹心劍閣之守必還赴涪則會方軌而進如
不還則應涪之兵寡矣遂自陰平行無入之地七

會本建
直空
虛
而為艾
所用耶

百餘里鑿山通道造作橋閣山高谷深又糧運將
匱瀕於危殆艾以糧自棗推轉而下將士皆蒙
緣崖魚貫而進先登至江油守將馬邈降諸葛瞻
督諸軍拒艾至涪不進尚書郎黃崇屢勸瞻速行
據險無令敵得入平地瞻不從艾遂長驅而前瞻
退往綿竹艾以書誘瞻曰若降者表為琅琊王瞻
斬其使列陣以待艾大破之斬瞻及崇瞻子尚曰
父子荷國重恩不斬黃皓使敗國殄民用生何為
策馬冒陳而死

初鍾會以材能見任昭夫人王氏言於昭曰會見
利忘義好為事端寵過必亂不可大任及將伐漢
西曹屬邵悌曰會單身赴任不若使餘人行也昭
笑曰我寧不知此耶蜀數為邊寇師老民疲我今
伐之如反掌耳而眾言蜀不可伐夫人心預怯則
智勇俱竭強使之適所以為敵禽耳惟會意與人
同今遣伐蜀蜀必可滅滅蜀之後就如卿慮蜀已
破亡遺民震恐不足與圖事中國將士各日思歸
會若作惡祇自滅族耳不須憂也及昭將入長安

高出人
一等

梯復曰會所統兵五六倍於艾但可勅會助艾不
須自行詔曰卿忘前言耶雖然所言不可宣也近
日賈護軍問我頗疑鍾會否我答言如遣卿行寧
可復疑卿耶我到長安則自了矣後會都如其所
料俱蜀漢後主

吳以武陵五溪夷與蜀接界蜀亡懼其叛亂乃以
鍾離牧爲太守時魏已遣郭純誘動諸夷進攻西
陽郡中震懼朝吏以爲諸夷阻兵不可以軍驚擾
宜遣恩信吏宣教慰勞牧曰不然外境內侵誑誘

人民當及其根抵未深而撲取之此救火費速之
勢也卽率所領晨夜進道緣山險行垂二千里斬
惡民懷異心者凡千餘人純等走散五溪皆平
吳陸抗聞步闡叛急遣將軍吾彥討之而晉遣荆
州刺史楊肇迎闡羊祜出江陵徐胤擊建平以救
之抗勅西陵諸軍築嚴圍自赤溪至于故市內以
圍闡外禦晉兵晝夜催切衆甚苦之諸將諫曰今
宜乘銳攻闡何事於圍以敝士民之力抗曰此城
勢同糧足凡備禦之具皆抗宿規今反攻之不可

猝拔北兵至而無備表裏受難何以禦之諸將請
 不已抗欲服衆心聽令一攻果無利圍始合而祐
 兵五萬至江陵諸將以抗不宜上抗曰江陵城固
 兵足無可憂者假令敵得之必不能守所損者小
 若進據西陵則南山羣夷皆動其患不可量也乃
 帥衆赴西陵初抗於江陵北作大堰過水以絕寇
 叛祐欲因水運糧而揚聲將破堰以通步軍抗聞
 卽決之諸將皆惑屢諫不聽祐至當陽聞堰敗乃
 以軍運大費功力十一月肇至西陵抗自將憑圍

對之都督俞贊亡詣肇抗曰贊舊吏知吾虛實吾
 嘗慮夷兵素不簡練若敵攻圍必先此處卽夜易
 夷兵以精兵守之明白肇果攻故夷兵處衆敗夜
 遁抗欲追而慮闔伺間兵不足分於是但鳴鼓若
 將追肇衆洵懼悉解甲挺走抗使輕兵躡之肇
 又大敗祐等皆引軍還抗遂拔西陵誅闡俱晉武
 帝附入

武備志卷二十八

Faint, illegible text within a rectangular border, likely bleed-through from the reverse side of the page.

